

越縵堂日記

第三十五冊

荀學齋日記乙集下



光緒六年庚辰十月十五日庚戌晴午後敷風

點閱三國志烏丸鮮卑

東夷傳注引魚豢魏略西戎傳其言西域諸國道里最詳措奪誤太多無從

校正然其最詳若大秦一國而此國境古今沿革獨為茫昧班書僅於烏丸小雜

國下云西與犂鞞條支接其下但言條支不言犂鞞而條支亦小國為安

息後屬又併條支善眩而安息國下云以犂鞞眩人獻於漢是犂鞞與條

支實二而一者也范書亦言條支為安息後屬置大將監領之魏略亦云安

息後屬條支統為安息石范及東漢末大秦國一及犂鞞魏書謂波斯國古條支國今印度界中

尚有波斯一國號白頭回而教罕亦作浩罕 又作霍罕國西之布哈爾哈亦 作當國相傳以為

即古大秦其地距葉爾羌四十驛西北界俄羅斯道光二十二年或言其併

滅教罕之地蓋非實也范書西域傳皆本安帝時班勇所記已盛誇大秦

孟堅為勇之諾及其撰漢書在章帝時相距匪遙何以一無紀述且所載

宮室制度及物技藝語皆近夸魏略尤極形容而蔚宗云桓帝延熹九

年其所表貢並無珍異疑傳者過焉則已疑其說矣又魏略言從安息

界乘船凡渡大海六乃到其國攷安息一國今亦不知何地或以為即回教祖

國默克作墨等部亦在西印度則轉在布哈爾之西而自伊犁以西踰葱

嶺至各國部何處須渡大海是其道里皆不合也班書但言條支國臨西

海范書亦言大秦國以在海西亦云海西國且載自安息南於字墨渡海至大秦魏收書云大

秦國從條支西渡海曲一萬里從安息西界循海曲至四萬餘里雖與魚略

言稍殊而皆云渡海則在海外可知今合諸書所記觀之知大秦實即今歐羅

巴洲大西洋諸國也魏收書云其海倫出類勃海也而東西與勃海相望蓋自

然之理此正明言東西洋之別也范書魚略皆言其王無常主國有吳異輒廢而

更立賢人受放者甘趾不怒此正今法蘭西王皆民建廢立不常之事也魚略

言其別枝封小國有驢分王驢分即古西洋之羅馬大國見於文儒略等書作

羅沒也或作羅開若來范書言石為城郭列置郵亭皆墜墜之宮室皆以水晶為柱此正

如今西洋諸國之制魚畧言其宮室為重屋范書言其城邑周圍百餘里又皆

言其人民連屬終無盜賊今英法諸國皆然魚略言其別分諸國如澤散驢

分且蘭賢督記復干羅諾王皆分治海中不知里數范書亦言其小國復屬

者數十此正知管之羅馬強時統一歐羅巴洲之地今英法諸大國亦各復屬

小國也魚略言其國有織成細布用水羊毳名曰海西布或曰野營爾所作范書

亦又織成氍毹氍毹蜀帳之屬皆好其色鮮於海東諸國所作此正如今西

洋呢錦洋布之屬合會諸香前其汁臣為蘇合魚略言有草木十二種

香此正如今西洋之香水魚略言其常利得中國絲以為相綾此即今猶然

魚略言大秦道既從海北陸通又循海而南與交阯七郡外夷比又有水道

通益州永昌故永昌出異物前世但論有水道不知有陸道密今西洋自此

中海與印度北境可由陸道至而水道由緬甸通雲南達安南正其明

證范書言其人民皆長大平正有類中國故謂之大秦魏收書言其人民端正長

大衣服車旗擬儀中國故外域謂之大秦案自漢以來所見諸夷國名皆本

其方言略無文義大秦必非當時國名蓋其商賈之人考於中國以漢承秦

後自謂大秦以見其大於漢猶今之稱泰西稱大西洋也范書言有飛橋數

蘇合東諸路 歐羅巴東境正當依羅斯國郡時陸道也

魏收書所云使使先帝渡海也十萬里者由字涉下文而指此言其水道也所云從安南中東循海由番禺高陸里者此即言其陸道也

范書已載其陸道既通此海西至

百里可渡海亦其誇誕之言至今猶然蓋西漢及東漢之初商舶不通故

言西域者至條支安息今印度之境而止安順以後商貨忽通產物奇異

改班勇所記以及華瀛漢後者范者多用華者范者多龜收之流遂盛相夸美其國

蓋亦於漢晉時為盛至南北朝後已衰故隋書已不見唐時為拂菻國舊

唐書西域傳云拂菻國一名大秦在西海之上東南與波斯接地方萬餘里列

城四百邑居連屬其所載大秦與後漢書魏略同又云王宮第二門樓中懸一

大金稱以金丸十二枚屬於衡端以候子之時為一金人大如人立於側每至一時其

金丸輒落鏗然發聲引唱象聲無失此即今西洋鐘表之制是則大秦為

今之歐羅巴洲諸國無疑也近人魏源海國圖志徐繼畲瀛寰志略皆謂歐羅

巴之意大里亞國即古之大秦其說近矣而宋以諸書相證明故世多不信且意

范者多

用華者

龜收之流

遂盛相夸

美其國

蓋亦於漢

晉時為盛

至南北朝

後已衰故

隋書已不

見唐時為

拂菻國舊

唐書西域

傳云拂菻

國一名大

佛菻

佛菻

佛菻

佛菻

國之何若

終不知其

人所執止

息而為安

秦而為安

文編上海

海始抵條

甘茶露西

即前官同

音遠精西

機其發音

大里亞為皆羅馬建都之地蓋即魏略所云驢分王僅大秦之別國不若以歐
羅巴全境該之若徐星伯等但據漢書犂軒一語求之於西域諸國遂以為
布哈爾即大秦景鑿珣會核之今西域回部至印度之地何處容此一大國

更何有如諸書所傳若乎惟大秦蓋萌芽於周

海國圖志等書皆云羅馬崛起於周幽王時

興於

秦極盛於東漢之世至晉以後漸衰唐書所紀亦多本魚魏諸書而云負

觀後大食極盛遂為臣屬蓋唐時亦惟因其貢使間至

言貞觀乾封大足略開元時凡五貢

有所聞其商舶貿易往來當已久絕故究不知其國境所在幸魏略言之最

詳得以疏通證明焉羅馬衰後分并不恆至元以後始復漸強故明世大西洋

商販富庶珍物流溢至今日而又極盛矣機巧日出侈麗滋生瑰奇怪誕不可

思議不可究詰而其國亦不耗俗亦日蔽日中則是月盈則食理之常也

雲門來 得教夫書即復 是夕望夜月佳甚林中無此皎潔也欲

出賞之裴回無侶數步庭下疏場短籬嬾晏清影以詩一首紀之仍難獨

讀書 作後張梅巖新城書行寄行卷二本

邱鈔李鴻章奏東明縣霜降後黃河水長壞隄水勢東趨分別參辦

詔即趕緊設法搶堵所有被淹各處有無損傷人口應否撫恤勘明辦理防汛

各員開州協副將張桂芳東明縣知縣張宗沂等均革職畱任在工效力大慎廣

道劉盛藻權去頂戴

新授廣東鹽運使洪汝奎調補兩淮鹽運使前徐海河務道段起升兩廣鹽運使

上諭御史莫勒廣額奏考試恩監生請仿照貢院別項考試辦理及八旗文童府院接

連考試請明定章程各摺片著禮部議奏

子六日辛亥晴風 作書致雲門得復 作書致桂卿行行卷三本又

以寄梅巖書託其附致杭州得復 鬢頭 作書致跋文約十八日為

致翁補作生日得復 作書致敦夫得復 敦夫來 伯晚詣潘伯剛

賈家胡術新居即詣鄧鐵香小坐夜由南橫街至廣和居赴楊定勇之招

坐有敦夫及翰林江某呂某二更始椒月皎如昨偕敦夫同車訪許竹簣香

鑑四卷新居停其門首數刻辭以已睡遂由南北柳巷出莊家橋至韓家

潭霞芬家對飲更招玉僊月沐明蟾透窗銀榻增絮垂簾密坐倚酒

濃薰四更始歸衡巷如畫以詩一首紀之 付車牋八千

即鈔

詔前吏部尚書毛昶熙仍在總理各國事務衙門行走

左宗棠奏甄別庸劣不職各員甘肅前署安西直隸州知州補用知府劉
肇端岷州知州胡爾昌署敦煌縣知縣蔣其章前署迪化直隸州知州補
用同知嚴金清均請即行革職西甯縣知縣朱鏡清請以府經歷縣丞降補
從之

十七日壬子晴 曾祖考忌日上午供饋肉肴七豆菜肴三豆魚羹四清大

餅一饅頭一大盤時果四盤杏酪一巡酒五巡飯再巡清茗一巡晴後數事

作書致儀徵嚴鹿霖約明日小飲得復 作書致雲門致沈子培俱約

明日飲得雲門復 夜月出皎如晝

郎鈔詹事府右春坊左贊善尹蕭怡轉補左春坊左贊善編修梁仲衡
升右贊善前廣東高廉道孫楫以知府用

上白癸在晴有風角晚止 始服繡鼠裘 得嚴六鬆書以疾辭飲且

贈新刻姚惜抱尺牘兩冊何子貞書石刻一通即復還之 再得六鬆片以伊

闕北魏石刻二十種為贈即復謝 作書致桂卿 得跋文書以風辭

飲即復 作書致鄧嶺香張叔平俱邀飲 作書致敦夫 子培來信

看來敦夫來雲門來以篋送來趙桐孫十一日天津復書亦留之飲霞芬

來月秋來酒初行桂卿來夜更鼓動時方飯叔平來二更客散月仍皎

甚以詩紀之 得呂庭芷昨日天津書

師鈔

詔都察院左都御史志和恩在紫禁城內騎馬

上諭宗人府奏應封宗室業已當差可否仍准入考一摺應封宗室溥良溥興均准其

一體考試照例授職

上諭李鴻章奏道員貪鄙不職據實奏參一摺直隸北道王珩著即行革職

前任北道奎斌仍補原官

十九日甲寅晴

嚴鹿谿來

得張叔平書

作書致毅夫

得紱

文書許昨招飲不至詩一首即復

作書致伯寅尚書以秣初借毅夫等

呈都察院為王子詒請 旌久不得報昨屬叔平詢之京畿道傅御史覆言

早移咨禮部被駁不行此事余曾致書伯寅乞言之都御史童志兩君為之

專奏不欲先咨禮部又屬伯寅以咨禮部徐尚書它日 旨下禮部即為准

履伯寅皆力任之而事竟不諧可太息也

得伯寅復書言曾屬童君

專奏不移禮部如欲移者先以相告而數日後過童君則言已咨禮部乃

與徐尚書面言者一致書者三屬其上請而事復如此真不可解矣童君
鄭人與王氏無仇徐尚書喜誦佛言因果何以好惡佛人之性至於此邪此舉
余本以請 旌非孝子意不欲為之而子獻及甯波士夫皆意在表章伯寅尚
書亦有此議不謂諸公之皆木人石心也豈見余之名而忘之邪抑以尚書言之
切而疑之邪 即復 再得伯寅書且屬重寫節略一紙致署禮部孝尚書
詢之即復 三得伯寅書 朱陸卿來辭行 比日聽事前迎春樹忽
開三花中庭桃李丁香皆含萼如欲放者昨日雲門言編修黃國瑾家杏花亦
開上海申報言蘇州諸郡桃李皆華 夜露作書至二更後頗苦足
冷三更月出

郎鈔

詔恭親王之第四子命名載濬

二十日巳昨昨正初刻十二分小雪十月中暗已後有風 合校後漢魏

隋舊唐西域西戎北狄諸傳頗有所辨正 伯晚詣敦夫談復與仙洲

夫人詔上燈後歸 夜坐校書頗寒

二十一日丙辰晨晴上午霽下午復晴 校注後漢書西域傳 晡後答

拜張叔平送來桂柳行皆晤談晚詣謝暹齋周介甫談夜歸 周介

甫來不晤 兩日來中庭牆陰迎春復開五花

郎鈔張樹聲奏廣東水師提督翟國秀舊傷復發病勢漸增懇請開缺

詔翟國秀准其開缺回籍調理

二十二日丁巳晴下午霽伯晚有風晚大風入夜益橫 寫單約張叔平

龍學齋

陳同叔李玉舟朱桂卿謝惺齋周介甫及毅夫夜飲豐樓 作書致

叔平詭代領南新倉奉米 作片致同叔 雲門來 夜詣豐樓

叔平惺齋介甫毅甫相繼至招霞芬玉僊諸郎至者十一人飲至三更始

撤徹夜大風 付客車錢九千五百車錢六千酒保賞五千五百
付文奎商刻字鋪銀四兩付李氏賃屋銀六兩

即鈔

以浙江提督吳長慶調補廣東水師提督以前浙江提督董少春補原官 少春本以

召赴浙江已報由湖南起程先有 督署浙江提督以長慶在直隸未赴任也

二十三日戊午晴大風寒甚 始服重裘 陳同叔來 作書致嚴菊泉

師并試卷三本 在作書致桂卿以致菊泉師書詭附寄嘉興府學 夜風

不絕 毅夫饋餽補醉魚即復謝 始用火鑪

邱鈔右春坊右中允溫紹棠轉補左春坊左中允國子監司業殿桂森轉
右中允

詔倉場坐糧廳漢監督戶部郎中何桂芳再留辦漕務一年嗣後不得援
以為例從倉場侍郎繼格等請也

二十四日己未晴風漸止 李王舟來 安徽人江編修澍酌來乞撰

壽序辭之 夜作復四川德陽縣令陶蓮生 楷授書 兩日驟寒硯

凍頗近爐火作字

二十五日庚申薄晴多露 作書致傅蓮舟返中并致陶令書及談

卷各兩本俱作書記傳子壽增寄 作復巨定子天津書 夜戲

味曝書亭集中藏駒詞并寫竹垞原詞致致夫

邸鈔

上諭御史鄔純嘏奏戶部盤查寶泉局庫當十大錢虧短甚鉅所存制錢

以經費不足未經盤查難保必無虧短等語此次盤查寶泉局庫當十大

錢有無虧短是否未將制錢盤查著戶部據實具奏

二十六日辛酉晴晴有風 得朱桂卿書告今日即行 作書致

褚伯約索還詩文集 作書致雲門 作書送桂卿南還 雲門

來 作書致王廉生詢行期 作書致嚴六谿送試卷兩本 得

廉生復行試卷一本合卷四副均已非鄉榜卷刻之至一百數十番云尚有

七科合訂本亦可謂好事矣 敦夫來夜談其兄益夫今日邸鈔選平

湖款論 族人王節婦來付以錢千六千

原奏劾侍郎王文韶曾任監督鑄錢有虧短難免賠補是以主令停止盤查

既等庭來

郎鈔理藩院尚書鑲藍旗蒙古都統察杭阿卒遞遺摺

詔察杭阿其成練達宣力有年前因患病給假調理茲聞溘逝軫惜殊深加恩照尚書例賜卹伊孫一品蔭生錫昭以郎中用

以都察院左都御史志和為理藩院尚書以吏部左侍郎左翼總兵

宗麟

書為都察院左都御史以吏部右侍郎烏勒嘉崇阿轉補左侍郎仍兼

署禮部左侍郎以兵部左侍郎

宗奎調補吏部右侍郎仍兼署戶部

左侍郎以內閣學士耀年為兵部左侍郎

內大臣吉和補授鑲藍旗蒙古都統

二十七日壬戌晴下午敕霽

閱陸質春林集傳辨疑其書大半凡說

述其駁左氏固多委其駁公穀則頗近實以公穀亦多凡說也文章峭簡非定

以後所能 得嚴六谿書 雲門未夜邀同教夫飯便宜坊初更教夫

邀飲壽春堂招霞芬三更歸 付九樂戲十千手輜戲四千車戲二千

邸鈔

上諭富陞奏特參不願體統之大臣並自請嚴議一摺此次禮親王世鐸等奉
派前赴盛京恭行典禮十月十二日將軍岐元等在奉天府府尹衙署設席
款待乃盛京兵部侍郎綿宜起立離席向禮親王世鐸笑語無節甚至輕
躁失儀任意戲謔實屬有玷官箴綿宜著即行革職以示懲儆至賓主筵宴
亦酬酢之常惟差務未竣遽行讌會亦有不合禮親王世鐸肅親王隆懃禮部
尚書徐桐禮部侍郎桂全工部侍郎興廉署工部侍郎程祖誥盛京將軍岐
元副都統富陞盛京戶部侍郎恩福刑部侍郎啟秀工部侍郎興恩奉天府府

尹松林府丞潘斯謙均交各該衙門議處富陞因錦宜不顧體統具摺糾
參乃豪無顧忌竟敢將神聖之詞登諸奏牘實屬冒昧糊塗若再行交
部議處至所傳奉天風會日以酒食遊戲相徵逐似此縱逸成風安能盡心
公事嗣後該將軍等務當消除積習力矢勤慎儻敢再蹈前轍定行懲處

不貸

先是護軍統領恩全奏送至山海關先回系於初九日獲命錦宜松林副都統謙德自盛京至山海關迎護
至三日禮親王等自盛京奏報尊藏禮成有旨均交部議叙存使若未歸之日勤疏至矣

以都察院左副都御史

宗寶森為盛京兵部侍郎

以禮部右侍郎宗禮兼補左翼總兵

正紅旗蒙古副都統承恩公照祥調補鑲白旗滿洲副都統內閣學士宗敬信

補正紅旗蒙古副都統

二十一日癸亥晴 起甚遲 印絲局送來是月公費銀十二兩 比日讀說

文略校小徐繫傳 夜有風

二十九日甲子小盡晴比日稍蘇 坐南窗校說文繫傳 得跋

文書即復 作書致雲門得復 晡後詣敦夫齋中過吳介唐

談至晚歸

邸鈔

兩宮皇太后懿旨醇親王奕譞管理神機營事務佩帶印鑰寶鑲汪管理該

營事務伯彥訥謀祐毋庸管理

此以兩苑大樞事也自八月初那統移騰阿等赴南苑統樞至是月二十日
曰示于六日開伯彥訥謀祐奏請誅亡已革職職致致云伯王王樞致過嚴王多
恐此以記在華履事見其真本中有小力後致於州林之至覺中後誅之致云此

左春坊左中允溫紹棠升司經局洗馬

人致刁悍權於軍中而為米師所奪者時此要許犯致致許不此詳也
詳三致王其母是孝子宿服委死於伯王之門 醉所以開始有此論云

十月十五夜步月離下作

初冬茲夕望氣煖秋中旬皓月耀澄魄玉照無纖塵嘯侶絕芳躅瑤衰

孤莫因幸有一弓地俯仰寬如春疏楊綴餘葉瘦竹浮寒筠清影在
庭下因風動微瀾階露久侵鞞籬枝時礙巾寥賞悟能遠靜取景
彌真不知冰霜迫惟覺天地親當其獨往時蕭然山水鄰彈琴無與
會松桂思逸人

十月十六夜偕毅夫對飲未霞精舍看月

今夕亦復佳心賞隨目涉清輝固不減瑤襟互成慙銀燭啟蘭幌紅窗
掩瓊葉澱澱金尊開迎隄晶屏疊瓶花映鏡重鑪薰展袖裛靜數
銀壺箭暗聽繡廊簾茶香遮密語酒霞泛紅靨綺懷豈取盈歡悰
暫為接歸達人早朝籠燈指遠堞

十月十六夜招鄧鐵香許竹簣及毅夫雲門飲寓齋送朱桂卿庶

常福詵沈子培比部曾植兩同年還秀州

久客傷歲暮。拙宦思冬閒。言。遮。素。心。侶。共。此。尊。俎。間。南。窗。納。晴。日。殘。菊。
橫。酒。船。翠。袖。互。捧。觴。紅。鑪。近。當。筵。清。談。未。知。倦。素。月。生。檐。前。坐。中。朱。
與。沈。得。第。歸。故。山。聚。散。亦。偶。爾。衰。老。猶。自。憐。廿。年。不。得。調。一。第。窮。依。
然。湘。鏡。待。霜。曉。巖。花。候。冬。妍。猿。鶴。怒。亦。久。白。頭。未。知。還。安。得。一。畝。地。結。屋。
依。流。泉。相。招。就。菘。韭。曝。背。終。餘。年。

十一月己丑朔晨霽已後晴午後效霽 比日頗暖徹鑪 周介

甫來 謝慳齋來 是日得詩兩首

詠史二首

捧日黃雲宴慶成 無端一疏落華櫻 羞同兒女嗤臨汝 羞見獼猴舞列卿 故紙賽筵猶有獄 鐵紮橫膝太無名 烏嶽吹笛偏同坐 舉酒吳宮想顧生

軀劉五柞設和門 神策由來七校尊 虛說霍光搜挾刃 竟聞胡建劾 穿垣南軍日造黃龍艦 東府親持白虎幡 講武驪山原故事 銀刀組甲久承恩

初二日丙寅晴 巡倉李御史送來奉 傳未七石八年每石約一百二十餘

斤尚絮白可食行羊六十得此斗升而舉家色喜可歎也 謝惺齋

送來胡 九月分印結不費銀此以曾君表等為霞芬索酒直也余與

惺齋言之管局吏部馬主事注反五六次遷延四日餘始得三千金以界霞

芬亦慈溺之波反矣 雲門來下午偕至廣德樓觀春臺部傍晚雲門

敦夫邀飲聚寶堂為汝翼作生日招霞芬五僮夜一更後余更設飲

霞芬家為汝翼壽三更後歸 族弟慧叔來陳書五來俱不值

是日聞好賞被 命出使日本代何如璋還好賞以田成歲為板相文文忠保

舉世使外洋人材至此始得之即可以侍講并用且加二品頂戴然坊局之選得

於鑿空侍從之華用以媚夷饗無名之厚祿被非分之服章雖為無識者

所豔侮終非志士所樂道吾深為好賞惜之也

霞芬酒錢四十千賞其僕十千
車錢十千霞芬車六千客車四千
騎李使十千辭使三年

初三日丁卯晴

外祖仁甫倪公生日供饋十二豆大餅一點心糕餅之屬

四盤時果四盤桌子湯一巡酒三巡飯再巡清茗一巡附以三舅四舅哺後

數事外祖及外祖母生日皆在此數日中惟外祖母生日在五月今年以病不

克祭止此一饋耳

作書致敦夫

敦夫來

周荏農閑學來四

五年不相見矣顏頰皓然足疾未大愈而精神矍鑠可喜也 夜詣

天興居同鄉九人消寒第一集也謝暹齋年最長為主人計九人中惟施

敏先年未四十為數少其八人者已四百餘歲矣之矣歸

付看候等戲子六千
車戲六千

師鈔

丙寅

太后誌旨醇親王奕譞之第四子命名載洸

初四日戊辰晴比日蘇煦如春

作書致敦夫得復

作書致雲門下

平儲數夫至廣德樓聽春臺部晚邀數夫飲聚寶堂招霞芬玉優
夜一更後歸 廿車較午酒保費三千霞玉車四千

師鈔

上諭左宗棠奏遵旨來京陛見一摺劉錦棠著署理欽差大臣督辦新疆軍務

所遺幫辦軍務著張曜署理楊昌濬著護理陝甘總督

以即署西甯辦事大臣陝甘分巡
延榆綏道李鴻章署理

上諭戶部奏盤查寶泉局庫情形據實覆陳並請將虧短錢文之監督等

議處書吏審訊各一摺此次戶部盤查寶泉局庫業經該堂官飭屬詳細

查明所存制錢已穿出六萬四千餘串餘因錢制輕小且有鑄結情形難期通

用大錢數目尚不懸殊該堂官不同商酌飭令中止辦理並無不合至所短當十

大錢除借支各項應行扣還溢支之款著落賠補外尚虧短一萬四千六百餘

事實屬不成事體該監督總司局務該大使典守庫藏咎實難辭若將
同治九年盤查該庫後歷任各該監督大使交部先行分別議處夫察之歷任
錢法登侍郎查取職名交部察議長叙宜振亦有失察之咎一併察議書史略
允元著交刑部審辦

以通政司參議張凱嵩為內閣侍讀學士

初五日己巳晴

校注乾隆紹興府志選舉表

得版文書借日記印

後

得壬子獻十月廿一日鄞縣書并其弟子詠遺詩一冊又得曉湖音

雲門來

袁爽琳來

是日稍寒夜有風

師鈔

以協辦大學士工部尚書全慶為大學士管理工部事務以吏部尚書宗室桂協

辦大學士

以戶科給事中朱以增為順天府府丞 李宏讓病故

詔初七日親詣 大高殿祈雪停親王等分禱時應諸宮廟

初六日庚午丑初初刻八分大雪十一月節晴有風午後散霧 作書

致張叔平以王子誥請 旌事也 終日校讀孟子正義而又感散寒

頗缺缺不快 夜寒復用鑪 什油燄二十五斤丸藥燄十六斤丸百

郎鈔

以杭州將軍 宗瑞聯為工部尚書 瑞聯以去年十一月由綏遠撤將軍調杭州今年九月始自綏遠

初七日辛未晴風寒甚 讀孟子正義 雲門來 夜赴汝異聚寶堂

之飲招霞芬玉德一更後歸 付石炭錢四十八年車錢五千

郊鈔

以鑲藍旗蒙古都統吉和為杭州將軍穆隆阿補鑲藍旗蒙古都統

初七日辛未晴

得雲門書

作書致敦夫

讀孟子正義

夜詣敦夫齋中談一更後歸

遣李升至內城馬聚興帽店買本

色貂冠一江獺皮冠一連緯纓付銀十一兩三錢余用一染貂冠十餘年

矣今冠制尚圓以高而余所以楸其卷武之毛皆禿盡見者多笑之欲

易之若已數年未知此生尚能戴幾也 是日市中染曰凡七人絞一婦人

郊鈔

以通政司副使宗戴英為光祿寺卿

初九日癸酉晴

閱俞蔭甫羣經平義

髻頭

作書致雲門

得復 得破夫九月十九日江陰書 聞昨日晴時有人衣素布裘

直入慈甯宮門至西掖閣下持烟筒吸烟時 慈禧皇太后將進膳

聞秋聲問誰何應曰我內監執之詢所來自天上來何為曰來放火

此異事也先是九月初 乾清宮徹涼棚有大藥舖席上及藏引火具

於架間者有 旨以內監交內務府慎刑司嚴鞠尚未得實今又有此事

其如陳持弓之犯鈞盾劉思廣之入舍元邪 抑監監之黠者誘鄉愚以獨

宮闈冀緩其獄邪 抑門籍過他奸賈猾與宦寺市易扭於出入邪

初十日甲戌晴 午出門詣桑柘橋尚書王益吾祭酒入城詣徐蔭軒

尚書師翁叙平尚書師麟素文左都師董尚書恂王侍郎文韶奎侍

郎奎潤皆送行卷也祭酒以甲戌房薦董以覆試閱卷殿試讀卷王以

殿試讀卷奎以知貢舉致皆以師備之不執摯惟各送門包餞三千董
王奎皆下部長官也凡朝考得旨還原衙門若例謁謝故令行行之
諸公皆它出獨見麟左都師行陪餞年伯中允於客次又荅拜陸漁
笙諱光祿廷彪下都寶璫及毛尚書祀熙之子同司員外繩武又詣吏
部監郎中植型同年庶常炳緯之父也出宣武門詣許昌德侍郎師皆
送行卷荅詣邑人饒蕃卿黃昏還寓更衣詣福興居同鄉消寒第
二集也吳松堂為主人霞芬至倦來行酒留之夜二更歸月色如晝閱余
氏序經手義 付車餞于二千門包餞于二千霞五車餞六千

師鈔

詔已改內閣侍讀學士前四川總督曾望顏於陝西省成建正專祠並將政績宣

滯秀孝待次男官與一登華安蹠上第者今之館選有人殆以報乎又春
詣王信甫仍出宣武門詣繩匠胡禰謁李蘭孫尚書以復試閱卷也知董
王諸公禮入見久談至夜出不執摯而見且以夜皆非禮是余之過也余初
以諸公或言其僣蹇故一投刺以塞責意未必相見故略其禮然矯枉亦已過
矣 夜月更佳詣鼓夫齋中談 付年儀七千門包三千

邸鈔

詔禮親王世鐸等應得降三級調用處分均加息改為降三級曾任不准抵銷副
都統富陞並照部議再降二級曾任准其抵銷

十二日丙子晴午鼓有風 得李王舟書約明夕飲 雲門未共午飯後

偕鼓夫同詣廣德樓聽春臺部晚雲門邀飲聚寶堂招霞芬玉僮夜

二更歸

王益吾祭酒來不值

得秦澹如杭州書

得益吾書

閱俞蔭甫考工記世室重屋明堂攷專駁鄭注所謂言之成理持之有故似

是而甚非者也其謂四堂內為五室四堂各有內需皆注於太室中而上為重

屋以避沾濡凡必之談殆同兒戲

是日購一羊裘付銀十三兩

侍郎長

叙以明日嫁女送賀錢四千

遣人至麟左都師處再送行卷六本

付車儀

八千五車二千

部鈔

上諭內務府奏等獲擅入宮內人犯請派王大臣會同刑部審辦一摺本月初八日

宮內等獲劉振生一犯著即解交刑部派軍機大臣總管內務府大臣會同

刑部嚴行審訊定擬具奏

上諭本年各直省辦理秋審人犯經刑部由緩決改情實者四川省多至五起該督

汪臬司於秋讞重犯未能詳審嚴議均著交部查明分別議處

汪臬司人

汪臬司人

上諭左宗棠奏甄別知縣一摺甘肅安定縣知縣趙國棟隴西縣知縣劉應龍年

趙國棟人

劉應龍人

力就衰難期振作均以原品休致鎮番縣知縣范希廉甯遠縣知縣王振遠安

化縣知縣李德成性識迂拘辦事竭蹶均以府經歷縣丞降補敦煌縣知縣李

李德成人

榮人地不宜開缺另補

上諭左宗棠奏請將總兵開缺一摺甘肅肅州鎮總兵章洪勝人地不宜著即開

缺另補所遺員缺著王仁和補授

左宗棠奏王仁和任州協副將不能整頓營規遇事推卸難期職位
上自三十日 詔王仁和著即開缺交瑞昌府觀察章鴻寶奏以員缺應補肅州鎮總兵

十三日丑晴 作書復王益各以併謂之辨也余甲戌會試出益吾房李高

陽首中之及填榜以詩多兩韵而是年 穆宗於進呈卷不拆封故尚

書萬青藜等擅易之益吾與李公終心痼也故今年會試填榜時益
吾惟恐余之不得及履試李公閱卷以不置第一為惜余因稱情以報之而
益吾昨書深致媿謝乃與言平生師友之事報施之禮以廣其意 作

片致吳松堂并銀二兩屬其辦去年 覃恩請 封也 王益吾來久

談 晡後詣周荇農丈遠其小極入內久談以所著兩漢書札記中辨正

地理者數條見商并以三國志札記一冊屬閱荇丈已甚病而懇致拒志

不少解近日公卿中所無者也出荅詣數客夜至聚寶堂赴玉舟之飲

坐有數夫及龐編修鴻文詹鴻謨俞 兩禮部 招霞芬玉僮二更

後歸 月皎於畫 付車錢七千霞玉車六千
付李升二車錢十千

郎鈔

詔十六日再詣 大高殿祈雪仍分命侍親王等禱時應諾宮廟

十四日戌寅晴 閱若文三國志札記為補正數條 雲門來 夜

月佳甚 甘肅升四月壬食機志千至卯年正月誌

十五日己卯晨晴上午後狀霧晴霧 許竹簣來言約以明正月

行參贊領事諸人尚未聘定也此次總理衙門進單請 簡若凡二十

餘人第一徐建寅無錫人第二徐同善廣東駐防漢軍人皆同知第三許

鈴身而竹簣居第四以後為主事黃貽楫及李合肥所保道員薛福成馬

某等建寅見為德國 欽差李鳳苞參贊同善為榮厚所舉 同善字 不可校

紹興知府 榮之子 鈴身妻被彈故皆不用耳 閱俞蔭甫詩經平義 是夕墜

夜時月蝕今年三食矣 太僕卿吳廷芬嫁女送贖錢四千

郎鈔吳元炳奏持參庸劣不職各員江蘇清河縣知縣王亮奏興縣知縣

歸安舉人

榮祥舉人

張興詩候補知縣李堂慶均請即行革職江陰縣知縣李文耀請開缺

以簡缺另補 從之

于六日庚辰晴 校閱史記大宛列傳 作書致荇丈并還三國志札

記 同司掌印郎中廷愷霍順武明保等五人約于日會飲天福堂醉之

夜月皎甚

十七日辛巳晴 祖妣倪太恭人生日以將屆冬至之祭僅供菜肴五豆饅頭

兩大盤蘆蔽餅一盤炸粉圓一盤時果四色蓮子湯一巡酒三巡飯再巡清茗

一巡 得絃文書即復 得荇文書并以後漢書札記一冊屬閱 傍晚

詣官夫談董昏詣竹簣談夜赴福興居同鄉消寒會第三集也裏裏恒

為主人二更時歸月皎如昨 村果饌穿棧十五千車棧六千

部鈔

上諭擅入宮內人犯劉振生供出係由神武門進內宮禁森嚴竟任令該犯走
入門禁懈弛已極實堪痛恨是日值班之護軍統領載鶴交部嚴加議處神
武門值班之侍衛及內務府護軍統領著查取職名一併交部嚴加議處其
該班章京著即革職兵丁即行斥革該犯進神武門後所有經過之處是日
值班人等均著查取職名交部議處

上諭翰林院侍講張楷奏戶部盤查寶泉局庫覆奏含糊請飭查辦一摺
著戶部堂官明白回奏

十八日壬午晴

許仙坪來尚臥不略

復符文書

雜校史漢諸傳

鬢頭

子九日癸未晴 得梅卿九月三十日越中書 雲門來晡時借過敦

夫齋中談 以明日冬至祀故寓小 敦大邀同雲門飲聚寶堂晚

誣步往頗覺足罷夜之更歸 付車錢五千霞玉車六十

郎鈔翰林院檢討王邦璽 安福 升國子監司業

二十日甲申酉正二刻十二分冬至十一月中 晨至午晴霽相間有風下

午晴 張姬病不能治饋改消二日祀 先 得族弟少梅十月五

日廣州書 得雲門書及知余感事七律一章 下午邀敦夫雲

門至三慶園聽春臺部夜飲聚寶堂二更後歸兩日皆招霞分玉僊

左飲 付園坐錢五千車錢一千五百霞玉車四千酒保費三千

熊油虎骨膏錢五千六百

二十日乙酉晴風嚴寒

校閱漢書

付部履歷三年一千五百六十年文
水晶頂連盤機六年五百文

邱鈔

上諭張家驥奏河南武陟縣建立河神專祠請釐止名號著禮部議奏

以崇疏義為道光間河臣其祠宜曰崇義勤祠或由崇宮併祠不宜稱崇主也

二十二日丙戌晴 祀 曾祖考妣 祖考妣 本生祖考妣 先考妣 祔

以仲弟叔弟因肴六豆菜肴六豆大餅一器饅飀兩盤饅頭一盤春餅一盤

時果四盤杏酪一巡酒再巡飯再巡速間數事焚金銀紙錢銀收 神位

圖 寫單約同鄉謝懃齋等八人後明日為消寒會矣奴頑劣不受教

約凡三易單書之 是日鮮魚口大自製至午焚市肆二十餘家 付有饅果酒等
發三十九年

邱鈔

詔二十四日復詣 大高殿祈雪仍命諸王貝勒分禱時應諸宮廟

詔授全慶體仁閣大學士

二十三日丁亥晴

閱俞蔭甫左傳論語孟子諸經平義其中愜心者甚

少亦有強立新義而仍與舊說無大異者又有經注極明皆無疑義而故求
曲說者然穿穴證佐皆有心思終勝無本空談也 下午過敦夫齋中

談

二十四日戊子晴有風晡止

郵鐵香來

晚詣聚寶堂同鄉消寒

第四集也余為主人夜二更後歸

雲門來

夜為鐵香代擬一文

字

付密東錢十二千酒保賞九千車錢五千

評鈔

以通政使司通政使鍾濂為都察院左副都御史以詹事府詹事慶麟為

內閣學士兼禮部侍郎銜

二十日己丑晨至巳晴偏午後大風間霽十午仍晴至晚風不絕

作書致鐵香

鐵香來

得跋文書即復

得官夫書

雲門來

夜談

郵鈔

上諭戶部奏遵旨明白回奏一摺據稱庫存制錢多不如式因事在咸豐七年

以前經手各員多已物故是以聲請可否免究竝非令混糶稜置之不問至疑

為私鑄慮其抽換可以信其必無其原存制錢二十四萬八千餘串此次盤過六

萬餘串計已四分之一其餘歷積鑄結約有四分之三飭令中止竝非別有難言

之隱至將來變通改鑄原存數目無難水落石出等語覽奏尚為明哲即著

該部按照前奏認真辦理此項錢文如果實有虧短現在盤查各堂官自不得置身事外所請簡派大臣再行盤查著毋庸議

二十六日庚寅晴有風寒甚 鐵香來 作書致官夫 勘校於夫

後漢書札記為補注六條 新選戶部陝西司員外部世襲一等男爵張

蔭清來拜前江南提督張忠武之子也

郎鈔右春坊右中允錢桂森轉左春坊左中允左贊善尹蕭怡并右中

允

二十七日辛卯晴 鐵香來 鬚頭 陳雲舫來不晤 作書致周

若翁還後漢書札記 作書致官夫借舊唐書校勘記及舊唐書逸文得

復 同年龐編修鴻文來以其身人文恪公所撰 文廟祀典致五十卷為贈

表首為圖七為譜二為表二改竄歲新刻者也 夜過敷天齋中詩

閱舊唐書校勘記六十六卷道光癸卯甘泉岩建功紹周刻舊唐書屬句

容陳卓人立儀徵劉孟瞻 文洪 及其子伯山 毓 江都羅若香 網琳 據沈

東甫合鈔本張登封 宗太 舊唐書考正及冊府元龜太平御覽文苑英華

唐六典唐會要通鑑通典通考太平寰宇記諸書參互成之建功又取御覽

諸書所載有與今本不相附屬者別為逸文十二卷阮文達為之序刻於道

光茂中今此本乃同治壬申定遠方濬頤所補刻者也 廿四史錢二千

解鈔

上諭御史鄧承脩奏時參大臣婚嫁違制一摺本月十三日係屬忌辰戶部右侍

郎長叙之女於是日出嫁護理山西巡撫布政使葆亨之女實屬有干功令長叙

薛亨均著交部嚴加議處

上徐軍機大臣等奏會審擅入宮內人犯定擬請旨一摺劉振生素患風疾混入宮禁語言狂悖實屬罪無可逭著照所擬即行處絞

二十八日壬辰晴

閱岑紹周舊唐書逸文

作書致趙桐孫天津

又致鄉人長蘆運同沈永泉書託桐孫轉寄

夜作致陳藍洲應城

書復胡梅卿越中書屬其為曉湖謀一館并稍卿史寶卿家又作復

陳畫卿濟南書

郵鈔鑲紅旗蒙古副都統鑲黃旗護軍統領榮全平

鈕榮全由侍衛游升副都統咸豐年間曾在山東剿賊出力嗣在新疆歷任領
隊辦事參贊大臣並署理伊犁將軍辦理軍務光緒二年來京供職宣力有

年勤勞懋著前因患病請假調理茲聞溢逝軫惜殊深加恩照都統例賜卹並賞銀一千兩治喪由廣儲司給發以示優眷

詔貝勒載隆之第一子命名溥偉

掌廣西道御史彭世昌升戶科給事中

二十九日癸巳小盡晴比日稍蘇 印結局送來是月分公費銀二十二兩

五錢所刻另單言有工部主事夏震川自夏間分部後未曾報局因不送公費今以十月告假資斧不給向局索取九月分公費三十餘金自言臨

歧不潔原非素心以前槩不復取夏震川若富陽人本襄賈甲戌會試中式時年甫冠以字劣不覆試丙子覆試三等乙丑殿試三甲今年朝考三等文辭陋甚一無所知而狂不可一世其要延試期不過覲幸館選其志趣亦

可知丁丑歲聞其往見張之洞言欲求教之洞詢以浙中師友何人曰無可
友者問曾識俞蔭甫汪謝咸乎曰不識問曾識鍾子勤黃元同譚仲修
諸人乎曰益不識賓主嘿然冰襟而出出語人曰吾今日見張之洞固一字
不識者也杭人傳其行止之惡委京師人傳其筆札之不通眾惡之言亦或
過甚即此兩事觀之其人可想今年九月忽遞封奏參樞臣十六款工部
堂官不肖上因爭之乃上 留中不報震川大哭於工部曹中遂告歸
其所言不知若何亦可謂一節之士即不取印結公費一事較之同局諸先
達後冒爭奪公行無恥者亦足為中流一壺然取此者本非暮夜之金出
於非義且既已染指尚為大言而以不潔之名輕犯眾怒則亦仍是枉妄之
故習乃主局者不惟不怒且利行其語廣播鄉人亦可謂無是非之心羞惡之

心若矣 雲門來以致陳藍洲書交之 作書致敦夫以致陳畫卿
書託轉寄 是日得詩三首以二酬畫卿以一酬雲舫兩君同姓名若
也詩皆瓊為之以其事亦一時佳話故存之 夜作致三妹書增入致梅
卿函中屬其轉寄

同鄉陳畫卿觀察錦自濟南寄書告其子諾生昌沂夫婦之喪

以所作烏啼曲見跡行和余感逝詩六絕句酬以長句三首信窮
慰若情見乎辭

驥子才名正軼塵 忽聞中道喪嘉賓 麻衣化隸隨佳婦 昌沂婦姚以繡
服垂魚對美親 畫卿未夫人年 作宦難求千樹稅 著書還惜百年身 最
憐羸博哀號後 手疊詩筒寄故人

尚學齋

卷下

五

成佛生天等是遊。名場秦海不堪思。來書言道光中同郡之士角逐已無朝士名場今存者惟君與余兩人

負元輩。幾見文章正。始時投杖西河新。止淚看花東野尚。稱詩風流依

樣。陳驚坐。同為龍鍾一。懋頌此。湖北羅田人陳雲所員外與君同姓名亦賦余得第詩為贈

陳雲所員外錦賦二詩見贈奉酬一首雲所富南下宦之東一古寺中

覓句陳無已。禪關出每稀。貌如僧入定。官與世多違。佛火分梯案。龍

花點綸衣。難忘三息事。欲挽李靈飛。君以癸亥翰林改官刑部來詩以余今年不得館選為惜故戲及之

邱鈔

上諭牙門值班護軍毆打太監一案曾諭令刑部內務府詳細審辦現據訊

明定擬具奏此案護軍玉林等於太監李三順奉使齋送物件竟有攔阻

毆打情事已屬荒謬該衙門擬以玉林從重發往吉林充當苦差祥福從重

發往駐防當差覺羅忠和從重折閱三年並將岳林請旨交部議處自係照
例辦理惟此次李三順喬送賞件於該護軍等盤查阻業經奏奉有
懿旨仍散抗違不遵藐玩已極若非格外嚴辦不足以懲儆岳林祥福均著革
去護軍銷除本身旗檔發往黑龍江充當苦差遇赦不赦忠和著革去護
軍改為圈禁五年均著照擬枷號加責護軍統領岳林著再交部嚴加議
處至禁門理宜嚴肅嗣後仍著實力稽查不得因玉林等抗違獲罪稍形懈
弛懷之

刑部議已三上 中旨以為輕賜與實實二十日後執前議上故有此諭云

音學

已集

卷

[Faint, illegible text within a large rectangular frame, likely bleed-through from the reverse side of the page.]

十二月甲午朔晴已後風

作書符詩致雲舫得復以余詩有未二語

雲舫謂當示洪右臣以為失言因已寫寄不及改洪君可謂知余心者而雲舫

其前詩誤誤且云

虛心亦不可及 下午茶拜龐綱堂晤談詣丘益吾不值入城詣翁叔平

師亦不值出城至廊房相祈觀鐘而歸 夜詣聚寶堂赴雲門之飲

坐有孺初識香竹簣汝翼敦夫二夏後歸 廿年歲八千

初二日己未晴 得絃文書借日記即復 晚詣衍慶堂同鄉消寒第

五集也傅子尊為主人夜二夏歸 閱舊唐書逸文其所輯以御覽為主

而附注諸書異同於下紙御覽誤字最多凡與唐會要冊府元龜互異者皆以

兩書為長自宜取其詳當者為主而附注它本異同不必執定一書也至其字之筆

畫異同如並作鉅麒麟作麒麟帕作吧之類亦不必一一悉出 廿年歲九千

師鈔

詔選選光明殿道眾於初四日在大高殿設壇祈雪親詣拈香派克勤郡王
晉祺等八人分班住宿行禮仍命悫親王等分衛時應詣官廟
以光祿寺少卿劉錫鴻為通政司參議

上諭岑毓英奏請將浮收錢糧之知府議處訊辦一摺貴州署都勻府知府

恩南府知府陳廷樑經徵地丁米折輒以辦公不敷為詞每兩浮收銀六錢六

分並有糧書勒索票費情事實屬任意朘削因恤民艱僅予議處不足

示懲陳廷樑著即行革職查明實在浮收及勒索數目全數追繳以蘇民

困而警官邪

初三日丙申晴下午散霧 作書致致夫 得紱文書即復 有鄉人陳

來儂是芳廉方正來 廷試者此人以諸生為浙江布政司吏招搖賄賂

人盡知之而不庸此送歸地盡矣拒之不見 敦夫來雲門來下午同至廣德

樓聽春臺部晚飲聚寶堂敦夫為主人招霞芬至倦夜二更歸 鐵香

來不值 付車錢八千霞芬車四千 是日付文奎齋刻字鋪銀四兩 付李氏債

屋銀六兩 付李升之金錢二千

初四日丁酉晴 閱俞蔭甫春在坐隨筆五卷其中喜述與曾李諸公及江

浙顯官酬酢之語頗為世病然其議論考據亦自有可觀者 如記日本坊後卿所撰論說雖諸條高
所擬境皇清經解者目及考證新出漢唐碑

下午毅夫邀至廣德樓聽春臺部演水簾洞夜雲門邀飲聚寶堂招霞芬

一更後歸 鐵香來不值 得跋文書 夜以語言怒席姬訶叱之怒動肝

疾致臥血此亦拱壁抵鼠矣 付族人王節母錢七千車錢八千霞車二千

師鈔

詔戶部右侍郎長叙山西布政使孫亨均照吏部議即行革職

初五日戊戌晨及上午金晴相間午後晴晡後復霽 兩得跋文書言

有孫蓮士之子字子與自秋間入京寓學士嵩申家持蓮士詩文集求序

此亦異事蓮士止一子子宜別無他子且與嵩申家絕無因緣不知其所從來

又云蓮士字右卿嘗為刺史司馬皆同縣語是何詐偽至此術邪 閱愈

蔭甫湘樓筆談七卷其書甚可觀遠出隨筆之上余嘗年日記已論之其談

經二卷喜為新說多不可訓談史漢二卷攷證多密談小學一卷尤為精致

談詩文一卷亦多解頤之言

考并有明史卷之七十一

師鈔

以刑部右侍郎錫珍調補戶部右侍郎兼管錢法堂事務以內閣學士宗室敬信為刑部右侍郎

以前湖南巡撫衛榮光署理山西巡撫即赴新任以前安徽布政使紹誠為山西布政使

紹護軍統領載鶴侍衛連壽文秀常壽常元常林巴克唐阿國成奎恩鍾

福德基桂山內務府護軍統領案即包衣護軍統領也正三品六祿護軍統領正三品明祿均照兵部議即行革職

內務府護軍參領案即包衣副護軍參領也從四品裕祥等均照部議革職留任七年正月軍人府奏載鶴所兼奉恩將軍應否存留 詔准留

初六日己亥午初二刻十分小寒十二月節 晨露天色黃晦已後晴風

感寒不沐秋款復劇 得絨文書言孫子與是滁州人其父亦已酉拔貢

前誤以為蓮士也即復 夜風不止

邱鈔托倫布補授鑲藍旗護軍統領錫祉補授鑲藍旗蒙古副都統錫

姓李氏內務府正白旗漢軍人

初七日庚子晴有風 傷風軟劇時、咯血終日不食飲橄欖橘汁而已

晚覺少瘥 得紱文書即復 得陳雲舫書錄近作寄畫卿詩一

首盛事四首即復 夜取湘樓筆談略為加墨相注其說經者數條不

敢自信所見之果是也經之之意期於墨守而已

邱鈔

兩宮皇太后懿旨午門值班兵丁毆打太監一案護軍玉林等因藐抗獲若原屬

罪有應得准念門禁至為緊要嗣後官兵等儻誤會此意稍行瞻顧關

係匪輕著革外加恩玉林改為杖一百流二千里照例折枷滿鞭責發落祥

福改為杖一百鞭責發落志和改為杖一百實行打不准折罰錢糧仍因
禁二年圈滿後加責三十板護軍統領岳林免其再行交部議嚴太監李三
慎著交慎刑司責打三十板首領太監劉玉祥罰去月銀六箇月至瘋犯劉
錦生混入宮禁已將該總管首領太監等分別摘頂罰銀斥革責打發遣
以示懲儆仍著總管內務府大臣恪遵定制將各該太監嚴行約束禁門重
門重地如值班人等稍有疏懈定當從嚴懲辦決不寬貸

初八日辛丑晴 煮臘八粥供 先 劉仙洲夫人饋臘八粥 飯

文饋臘八粥 雲門未 是日身熱稍退而胃氣不動頗苦喘吁

夜溫漢書款款轉劇 殷夢庭生日饋以桃麪

陳中監生

郎鈔劉坤一奏持參江安糧道師榮光久患風痺情形委頓請勒令休

江安連平

致高淳縣知縣唐葆元宿遷縣知縣舒朝冕請分別革職開缺 從之

內務府郎中俊啟為上駟院卿

初九日壬寅晴已後風至晚不絕 款甚脅痛不能危坐閱書入晚

少可 雲門來 夜鄧鐵香來不能見 作書致鐵香 作書致款

夫辭明日消寒之飲 仍溫漢書頗有所芳正至三更後始止淡湯款

劇微曉不得寐余近年病益甚醫者皆云心脈最虧終年之款亦由於

此多勸靜攝不復讀書然余舍此將何以為生一息尚存不能輟也

郎鈔

上諭前據編修何金壽奏雲南東川府知府孔昭飭被戕總兵楊玉科知情
圖謀竝開設銀號交通消弭等情嗣經查明楊玉科竝無同謀主使交通營
稅情事惟開設銀號囤利營私經刑部奏明交部議處茲據兵部遵議具
奏廣東高州鎮總兵楊玉科著照部議降三級調用其所兼二等男爵照例
折罰世職半俸九年免其降調世職

張富年補授江安糧道

初十日癸卯晨晴已後天風多雲 欵甚喘并疲苦殊甚 敦夫來

鐵香來久談 夜風少止仍溫漢書夕欵仍劇

邱鈔

詔十二日復親詣大高殿祈雪仍命侍親王等禱時應諸宮廟 大高殿直宿行

禮諸王大臣仍敬謹將事

莫雲成補授廣東高州鎮總兵

十一日甲辰晴

猶未來

款款尚劇仍溫漢書

邱鈔

以鴻臚寺卿阿克丹為通政司副使

十二日乙巳晴

款款少止

得族弟鼎銘南昌書并寄夏布衫裁

兩事

得

款夫善言收莊次子出繼其從叔縣試復得第一甚為

欣然即復敦夫

雲門來

夜月殊佳為姚思行謨墓志銘以歲時

已迫為此諫墓也思行嘉興人官中書科中書以孝子旌

夜王益吾來

以國史館列傳四冊為贈門者辭以疾

邱鈔張樹聲奏廣西左江鎮總兵李廷高以病請開缺 許之

十三日丙午晴

鬚頭

寫姚志作書致官大屬轉交中書之父候

選道文枓

得敦夫書即復

閱曝書亭集

雲門來

夜月甚

佳雲門書來欲覓一飲余以疾未已不敢出迺約雲門敦夫來夜談二更

始徹亦足以遣岑寂也

夜痔發

邱鈔張樹聲奏勅庸劣不職將備廣東參將馮開得李新開游擊王

之福韓徽馮建章等十五人

詔分別革休有差

劉光裕補授廣西左江鎮總兵

譚鍾麟奏浙江提督黃少春丁憂

詔該提督帶兵素稱得力浙江營伍事宜正資整頓著改為著任

十四日丁未晴比日冬蘇如春 惠爵 作書致敦夫致雲門以明日致

夫生日本約今日出飲也得敦夫復 長侍郎來王信甫來均不見

得雲門書符賈筑黃子壽寄贈保定書局新刻何顥船相方備蔡表

不卷內北徽沿革表載俄羅斯古今分域甚詳今年會試第五道策題

多取諸此也即復 傅子尊來 雲門敦夫來 夜月佳甚閱曝

書亭集 朱蓉生來蓋以病愈入都者為門者辭去

師鈔

雲南布政使升太來京另候簡用

詹事府左春坊右贊善 梁仲衡轉左春坊左贊善編修李瑞榮

并右贊善 瑞榮已為御史去年冬其叔父朝儀擢順天府府尹回避仍為編修故事給事中御史回

避若對品改郎中員外郎近年如王所等皆仍回翰林矣

十五日戌中晴有風 痔不愈仍溫漢書 雲門來傍晚遊致夫偕

至聚寶堂飲招霞分一夏後遊兩君飲霞分家為致夫壽也招玉倦

三更歸月色如畫 付霞分酒自歲四十年攝其像十年安車四十五車三年車殘十年

部鈔

以貴州按察使吳德溥為雲南布政使以貴東兵備道易佩紳 湖南人

貴州按察使

以鴻臚寺少卿馮爾昌為光祿寺少卿

十六日己酉晴午午致露 得仙居壬月破書 作片致馬蔚林

百夫來 作書致致夫 仍溫漢書 得蔚林書 兩得致夫書

夜月皎甚是夕望 朱蒼生饋氣脯一肩茶葉四餅作書復謝 聞

汝翼昨夕病危甚今日少愈余以患疥不得往看甚念之

子七日庚戌晴晡後數霽 得趙桐孫十三日天津書并惠銀一流

馬蔚林來乞玉月坡所列麻證集成即作書贈之案麻字不見玉篇廣

韻九麻始有之曰風熱病也京師謂之疹子近年多風而冬常暖故此病

盛行往三致亦月坡言江浙比來地氣似京師患此者日多其同色共諸生

朱載堉

有治麻專書因為校訂刻之以行謂其治法與痘大異宜慎不宜發忌辛

熱寒涼之藥迷觀其方亦有用麻黃石膏者恐亦不可盡信也麻江浙謂之

瘡吾越方言謂痘為瘡子麻為瘡子以瘡為痘之餘小兒患此者不以為意而

戴楊謂近來麻險於痘蓋氣候變異證亦不同矣 雲門來 王信甫來

夜得雲門書惠余生日壽銀十二兩

郎鈔

太常寺卿文暉為通政使司通政使

以詹事府少詹事寶廷為詹事

刑部郎中謝誠授山西蒲州府知府

去任知府孫麟香阿病故

十八日辛亥晨及上午晴下午霽晡後雪晚止

閱曝書亭集

十

午詣劉仙洲夫人為教夫館事詣雲門不值詣陳雲舫晤談與鐵香過

荅拜張蔭清負外并辭其招飲詣謝惺齋質其出守河申不值詣王

益君久談秉燭出詣聚寶堂同鄉消寒第七集也吳介唐為主人夜

二更歸 初更復雪旋止夜半風作轉勁 付車棧六千

郎鈔

詔二十日舉行三壇祈雪祀典命禮親王世鐸祀 天神壇肅親王隆勳

地祇壇莊親王載勛祀 太歲壇是日仍親詣 大高殿叩禱並仍

命 停親王等分禱時應諸宮廟

十九日壬子終日風霽午後敕見日景 先本生王父生日供饋 得

紱文書惠麪魚蝦子鱈魚饅頭大餅即復謝反蝦子鱈魚橋使兩

千 得伯寅書以徐蔭翁書送閱尚以王孝子請 旌事也即復

得敦夫書即復 雲門來 敦夫來夜偕兩君小飲談至三更散 夜

姓月出甚皎四更後風止

二十日癸丑晴 謝惺齋來 作書問汝翼疾饋以頭果百合魚麪

評點近人經說文集夜半不休款款復作

郎鈔

詔惠郡王奕詳之第二子命名載濟

二十一日甲寅寅正三刻十一分大寒十二月中 晨至午霽下午間晴

得敦夫書約晚飯即復 閱近人經說 鬚頭 哺詣東小市金

華館卷米容生不值詣傳子葺小坐晤其門人陸某歸安人也言其從

兄心源今夏以畫眼二千餅畫質上海郝氏臧書得精本甚多通計所藏

至二十餘萬卷矣又言所刻十萬卷樓叢書已得十餘種去年新刻味宋

槧爾雅單疏本甚精工也夜詣聚寶堂赴敦夫之招與雲門主客三人耳

拓霞芬玉像二爰月出雲門邀飲壽春堂再拓霞芬三爰後歸

得玉益吾書 鐵香來不值 四爰具牲果醴饌泰祀歲神及門

行戶井之神報賽且祈福也又以牲醴祀財神求文章利市五爰畢

事作爆杖天明始睡

付姓果爆杖燭紙等錢一百二十千付車錢九千零五車四千

二十二日已昨晴

睡過午始起敦夫今日解館邊邑郎劉仙洲夫人治

具請余共敦夫飲雲門亦未談哺後偕雲門視汝翼乘傍晚詣鐵香不

值即歸

陳雲舫來不值

為馮申之比部芳牋

題蕉館讀書圖七

律一旨申之景亭中允之子也在總理各國事務衙門行走故有向云家傳差

禁專門業官領輜軒絕代書

夜作書致趙桐孫以近日開鐵路之議

中外紛紜也先是十月初日前直隸提督劉銘傳奉 召入都 陸見陳

開鐵路之策

詔付李鴻章議學士張家驥首疏爭之言有三大弊亦

下其疏於合肥近日合肥覆奏力主劉策言有九利凡自京師開鐵路

四一達清江浦一達漢口一達漢中一達 盛京先借洋款一千六百萬金

試行其事，十八日都察院合疏爭之，侍講張楷疏陳九不利，御史洪良
品疏陳五害。朝廷不能決也。桐孫久在合肥幕府，為所重，故寫書詢

之略云：此事當國失謀，自非耳。食者比然，關于卡之木，有費既不資，法四夏
之不經事，將益拙，故不必持奠山川之高，論為正疆界之迂，談而遠，既捷則
溝渠益廢而不修，道既開則盜賊且從而思，運業舟車者無所得，食則患
甚於裁驛，遞設戍守者無以為險，則禍且於夷城池，故古之大臣不貪非常
之功，不為驚人之事，利不變法，權不害經，而況而無必是之見，虛設或進之利
貸強鄰，以君我心，冀減息以縣厚報乎？此誠達者所慎言，愚夫所撞擊也。
大作善致，許以實，以致桐孫著說轉寄。

支紫藤架

丹機六十年

二十三日白辰晴嚴寒

校史記漢書西南夷傳南越傳附正五條皆

前人所未言

夜祀竈

鐵香來

饋夢庭歲物

邱鈔直隸冀州直隸州知州李秉衡

奉天監生

授永平府知府

本在知府桐澤三慶

二十四日丁巳晴午有風曠止

得伯寅尚書書惠銀三十兩即復謝

稿使十年

得楊惺吾十月九日日本書言其國中古籍甚多所見

有唐人寫本玉篇尚是孫強增加之舊其次第與今本多不同引說文

尤前又有釋慧琳一切經音義一百卷刻本引證古籍今不存者甚多

引說文并及从某从某聲幾於無字不引水及字林字統三倉古今正字又

字典說開元文字音義諸書書成於唐元和間其重刻序文謂周顯德

時中土已佚此本蓋得之契丹者又有續一切經音義十卷補慧琳所遺又

有隋杜臺卿玉篇寶典隋楊見善太素經三十卷皆鈔本其餘祕笈尚

多隋唐以下金石文字亦美不勝收彼國自謀之書與中土可互證者尤

鏗聞之神往有粟鉉浮海之思 雲門來言明日赴保定 作書致敦

夫饋食物 得雲門書印復 族人王節婦來不以錢二十千米十斤

及年饒角黍等物 夜作書致雲門并詩一首 署吏送冬季養廉銀十六兩
來付半錢三千春解錢十千

二十五日戊午晴 得敦夫書 得雲門書 袁爽球以新作錄

宅中收七古一章送閱 著春聯 南海人梁君子渭來 作書致

張文饋食物得復 敦夫來 夜作書致曾夫得復 作書復爽球

作書致竹簣詭催姚氏潤筆

二十六日己未晴 以舊唐書校勘記校舊唐書高祖太宗諸記 得竹

簣書 作書致伯東尚書饋歲物得復 殷夢庭饋歲物 汝翼饋

竹簣書 已 集下

歲物 以殷陳兩家禮物饋劉仙洲夫人 夜姬人穿浴媛壽宴 得

官夫書為姚氏送潤筆銀五十兩此文余本不自為而勉徇之以為必有留金

之饋也而止得此數等於紙殘寫馬矣即復官夫以慨名但不立文亦因之

以賤也 付於福社者送桃麪錢八千庫長長班年賞四千

二十七日庚申晴 余生曰敬天地祖宗 家人祀祿神 敦夫來 得

伯寅尚書書饋伊蒲饌一席即復謝攝使八千 汝翼饋桃酒

殷孝庭來行饋桃麪酒搗 官夫來 米荅生來 夜邀敦夫小飲

招霞芬玉僊兩郎出鉉進酒密坐溫鑪白髮紅顏陶然一醉夜分始徹

至賓樂甚以詞一闋紀之是日付霞芬錢一百千玉僊半千 得陳桂芳

參將肇慶書 丹徒魏等致壽錢二千

郵鈔

命修撰王仁堪為山西學政 黃玉堂丁憂

二十八日辛酉霽微雪下午間有日景 百夫饋歲物 得以質書

饋銀色紫蟹 校舊唐書中宗睿宗玄宗紀及傳 付李氏質屋

銀六兩 夜有風 得沈永泉運同天津書行銀十兩

二十九日壬戌晴有風午止 校舊唐書肅宗紀及皇后傳 饋百夫

汝翼兩家歲物 遣李升至翁尚書師麟左都師家投賀刺送節禮

二金徐尚書師家投賀刺翁尚書還節敬及刺 第頭 婦房室

送置書架几席 至夜分始畢德甚

三十日癸亥晴有風寒甚 遣李升至景尚書師家投賀刺送節禮二

金霞芬玉儀束帛歲留之飯若予霞芬銀三兩玉儀錢二十千賞其

僕各二十 板舊唐書志傳 祀竈 祀故寓公 祀先

是日聞沈經筵協揆卒沈公吳江人宛平籍丁未進士一生以廉謹聞而柄國

十四年略無建豎外為避事而內實持權陰柔徇私聲氣出寶公上溢

焉已沒所得幾何 付同茂米鋪錢一百七十一千 同興石炭錢一百五十四千

聚寶飯莊錢一百五十二千 豐樓酒館錢一百千 元興布鋪錢九十六千 唐厚

吉慶乾果錢一百三千 燈油錢八十千 賣花翠媪錢五十四千 松竹紙鋪錢四

十千 西洋燈油銀一兩四錢 昨水錢二十千 文奎齋刻字銀二兩其餘者零市

買錢約共百千 禮部書吏送會試錄登科錄來付錢八千 會試錄印

進呈錄二湯經文易藝王懿崇書藝 慈銘詩藝 黃紹箕 春秋藝 汪宗沂 禮記藝

王懿榮 三場第一問 庭銘 第二問 譚鑫培 第三問 黃錫箕 第四問 于武放 第五問

沈曾植

付李升收歲錢十五千高升八千慎兒八千王媪十千楊媪十千

燭影搖紅

唐庚生日鄭會尚青饋香積保逸封管酒與鮑鏡于編修在飲借花枝作酒籌賦此寄尚香姪呈鏡于

冬尾三朝歲筵未辨椒花頌蓬門猶說士是縣孤白髮扶殘夢剛聽離
尾榮棟報尚書銅槃饌擁袖薰朝罷禪侶分餐催愛傳送碾磨
齋餘蜜去梅看護經簾重便思一醉泥金貂笑發牀頭瓦燭檠銀荷
綴鳳倩雙花金尊對捧願從今後繡衾漁蓑翠蛾長共

臨江仙 是日酒次懷雲門係陽

五十二人霜在鬢衣生又過今年昔菜一醉也陶然畫幃紗隱燭藥玉
酒行船 那有後堂絲竹事 暫看 花影便娟舉杯今夕憶彭宣較門

嚴職鼓霜劍拂吳箋

邱鈔浙江巡撫譚鍾麟奏光緒六年浙省滋生民數男女共一千二百五十五萬七千七百六十七丁口

發往駐防當差覺羅忠和從重折園三年茲將岳林請旨交部議處自係照

例辦理惟此次李三順齋送賞件於該護軍等盤查阻業經奏知奉有

懿旨仍敢抗違不遵藐玩已極若非格外嚴辦不足以懲儆岳林祥福均著革

去護軍銷除本身旗檔發往黑龍江充當苦差遇赦不赦忠和著革去護

軍改為圈禁五年均著照擬枷號加責護軍統領岳林著再交部嚴加議

處至禁門理宜嚴肅嗣後仍著實力稽查不得因玉林等抗違獲罪稍形懈

弛懷之
刑部議已三上 中旨以為輕賜重賞實之六日後執前議上亦有此諭云

光緒七年太歲在重光太荒落春正月在室晦元日甲子晴

余年五十三歲

早起敬竈神

敬

先人神坐前供湯圓子

校舊

展書郭子儀傳一卷取吉祥也去臘都中四喜部新製貴壽圖演汾陽見織女事燈采絢爛而色目不佳科舉俱惡潛無以荒曲曼聲寫之若即演其大麻初入朝代宗詔宰相僕射度支侍郎京兆尹五人各出錢三十萬共宴私第內侍魚朝恩出羅錦二百匹為纏頭費一事魚龍百戲盡可登場珠翠千行皆當選色亦足令人色舞也 哺敬 先人供茗飲 族弟慧叔來 是日來質者三十餘家

初二日己丑晴兩日甚寒

敬 先人供紗帽簪子

校舊唐書睿宗

諸子讓皇帝等傳案讓皇諸子嗣宣王琳謚曰景漢中王瑒謚曰宣而汝陽

王為嫡長子官至特進蓋於天寶之世不應無謚蓋史之闕者多矣琳與瑀
之謚幸於康會要見之 敦夫來 雲舫來 鐵香來 是日來賀者三

十四家

初三日丙寅霽敕晴 敏 先人供水餃子 作書致敦夫 稔舊唐

書太宗紀及皇后傳 是日來賀者二十七家 夜有風睡甚遲

郎鈔宗人府右宗人郡王銜貝勒載治卒

詔載治秉性和平持躬謹慎歷蒙 文宗 穆宗恩眷迭派御前行走內廷行

走補授宗人府右宗人正白旗蒙古都統均能恪恭將事懋著勤勞上年九月

病痊量予開去差使近因偶患感冒請假調理遽聞溢逝軫悼實深賞給陀

羅經被派惠郡王乘詳帶願侍衛十員代朕前往奠醊派總管內務府大臣廣

壽辦理喪事一切事宜官為經理加恩照郡王例賜卹伊子溥倫承襲貝子溥
洞封為二等鎮國將軍其餘飾終典禮各該衙門查例具奏

協辦大學士兵部尚書沈桂芬卒

內閣擬謚文清文勤文端文恪
皆出謚文定

詔沈桂芬清慎忠勤共成端恪由翰林游升卿貳外任封疆同治年間入參
樞務擢任正卿朕御極後重加倚任晉協綸扉辦理一切事宜均能殫心竭力
勞瘁不辭前因偶患激疴賞假調理遽聞溘逝震悼實深著賞給陀羅經被
派貝勒載漪帶領侍衛十員即日前往奠醊加恩晉贈太子太傅照大學士例
賜卹入祀賢良祠賞銀二千兩治喪由廣儲司給發靈柩回籍時沿途地方官
妥為照料伊子文燾賞給舉人伊孫一品蔭生錫珪賞給郎中用亦篤念蓋臣至意
以鎮國公奕謨為宗人府右宗人理藩院尚書志和補正白旗蒙古都統

以前工部尚書李鴻藻為兵部尚書 以吏部尚書萬青藜充翰林院掌院學士

刑部尚書潘祖蔭充國史館正總裁 工部尚書翁同龢管理國子監事務

初四日丁卯晨晴午靄下午靄有風 起甚遲 故 先人供燭年

饒及酒 校舊唐書高宗紀肅宗紀代宗紀 得玉益吾書符庚辰會

試第十六房同門卷一冊中刻于庶常式枚第五策甚佳即復 得效夫

書 是日來賀者二十一家

初五日戊辰夜子初初刻十二分立春正月節澹暗間靄嚴寒 汝翼

饋福橘十枚即復謝 校舊唐書德宗紀入年五日不見一人而手不輟

書連晝達夜茲作蠅頭小字萬餘矣亦可謂癡絕也 晚以酒肴祀 先

且供春餅果羹 是日來賀者二十三家 夜大風

印鈔

上諭盛京刑部侍郎殷秀奏向員迴護重案酷刑斃命請派大員查辦一摺
據傳奉天旗人李永智等因姦殺害工部六品官袁祥父子身歿一案前因犯供
與主詞情節歧異經該侍郎駁令覆審讞局委員意存迴護酷刑致斃兇犯
捏報病故等語案關旗民殺害職官局員蒙混迴護亟宜徹底根究以成信讞
著將全案人證卷宗即行解京交刑部嚴訊確情按律定擬具奏另片奏盛
京刑部司員請復舊章毋庸派與州縣官會審案件等語嗣後奉省地方
案件除奏明會同刑部審辦外其餘毋庸派令司員會審

初六日己巳晴風

校善唐書德宗紀及高祖諸子傳

得緘文書借日

記印復

是日來質若十一家

初七日庚午晴嚴寒滴水皆欠 作書致敦夫饋肴饌三器得復

兩得跋文書皆復 得陳丘泉去臘十六日蘇州書即將其上伯寅尚書一

函更作書致尚書得復平生受人一語無問或疏皆不宿於家此亦自克之

一事不求人知若也 敦夫來 先像舟供茗飲及羊鱠角黍 校舊

唐書憲宗紀及裴相李吉甫等傳 是日來質若子家

邱鈔

上諭照祥奏正藍旗護軍營署內庫存銀兩被竊護軍增福受傷身死請
將值班護軍校等交部審訊章京等分別議處竝自請議處等語該庫值
班護軍校德福等先行斥革交刑部嚴訊確情印務處值班章京花翎續年
等護軍參領祥普等一併交部分別議處照祥交部議處即著步軍統領衙門

順天府五城一體嚴禁犯務獲究辦

初八日辛未晴嚴寒下午有風 校舊唐書憲宗穆宗紀 第頭

袁爽球來 是日來賀者五家 先像前供蠶果糕及茗飲

初九日壬寅晴下午散霧 雜校舊唐書志傳 劉仙洲夫人來 是

日來賀者六家

初十日癸卯晴寒或少減 袁爽球來 午後出門茶賀客八十餘

家南北兩城殆徧收劉鷓山師像暗仙洲夫人詣鐵香官夫毅夫皆不

值詣王益吾祭酒晤談詣族弟慧叔不值至東小市金華館訪朱蓉生

苗生兄弟送以行表兩本不值晚歸 校舊唐書楊綰崔祐甫祐甫

子植植從元俊常哀傳僕因懷恩傳 是日來賀者四家 夜食麪

飲酒致醉早睡

村劉僕為并茶錢六千餘僕娘三千

十一日甲戌霽大風

先妣生日供饋菜肴七器加四肴三器為

先君

也菜羹一紗帽餡子點心兩盤饅頭一盤淪麵一巡蓮子湯一巡時果四盤

酒三巡飯再巡茗飲再巡先以點心五盤十錦大餅一菜肴一及酒供

曾

祖考妣以下 神坐倘晚焚楮錢畢事

作書致紱文饋點心兩盤

素菜一器得復

周介甫約十五日消寒第八集

作書致王益吾得復

是日來賀者四家

夜埕月甚皎板舊唐書經籍志

郊抄

上諭前據潘祖蔭翁同龢呈進已故孝廉方正江蘇貢生陳與所著毛詩傳疏一書當交

南書房翰林閱看據傅陳與於嘉慶道光間積三十年之功乃成此書篤守毛氏專

力研求無過之著該貢生研精詩學於毛亨詁訓頗能闡發洵屬有裨經義
所進之書即著畱覽

上諭翰林院侍讀周德潤奏各省荐廉方正請飭秉公保薦等語各省遵保荐
廉方正自應采訪名實相符者登諸薦剡若如所奏徇情濫舉等弊尚復成
何事體著各督撫加意訪求秉公保薦如無實在可保之人即不得濫等充數
以杜倖進將此通諭知之

十二日乙亥晴已後有風
袁爽冰來午後偕游廠市自廠甸至
火神廟攤場不多人物寥落一無所得惟以錢四千買得太平盛學
釋鶴泉文鈔續集而已廠民博學好辯而無家法又不能工閒時致證
亦多臆決不近理晚歸
校北史及魏書以校唐書連涉及之也

是日來賀者三家 官夫約明日晚飲 村銅帳餉銀六十

子三日兩子晴 上午出門客三人家晤竹實獨初西城兆編矣下

午歸 王益君來 雲門來 是日來賀者六家 夜散

先人供蓮子湯 赴官夫之招坐有樓廣原給事連文冲 中書及

周介甫般等庭殘念劬二更後歸 付車錢三十千 付上燈供果茶賜餅等錢十五千

邱鈔

上諭奉天旗人李泳智等因姦殺害工部六品官袁祥父子身歿一案業經降旨交

刑部訊辦在場敵秀奏委員王為激等於會驗完犯李泳智屍身後復稟請

覆驗矛盾翻覆請將會驗各員歸案查辦等語員外郎紹智主事劉振唐

通判王為激知縣陳士宏著一併歸案聽候查辦

十四日丁丑晴稍蘇煦

就夫來下午偕步至瑤瑤廠閱市於廟攤

購吳荷屋筠清雜金石五卷諸價至三千尚不成是書刻於道光五寅

荷屋年已七十而止有金無石未知後有續刻否也昔年湖北場惺吾又

翻刻一本余亦未見於廟外攤市以錢二千買一滲金宣鑑頗佳伯晚

歸

李蘭孫師來朱蒼生來

夜賦

先人供饅頭

得奕珠

書為小錢收寶事印復

夜月佳甚

村宣德爐錢二千又滲金小爐錢一千
姚花草蟲寶鐘一封錢二千

十五日戊寅晨及上巳晴午後大風間霽

得雲門書符咏去年送行

詩一首 得毅夫書

下午入城由宣武門進西長安門過金龜玉棟

橋出東華門東長安門正陽門及城東西共蒼客三千餘家晚歸

接譽善給事來鄭賢坊御史來

夜然鏗鼓

先人供湯圓子及

因肴四菜肴四火餅一酒再巡飯再巡一受畢

雲門來

夜風少止

月皎寒甚小放花爆

付肴銀錢三千粉圓子錢三千
付花爆錢二千五百年錢二千

十六日己卯晴有風嚴寒

校舊唐書良吏傳及酷吏傳

夜飯

先人供炸圓子炸混沌仍放花爆 是夕望

十七日庚辰晨晴上午後大風竟日小止

雲門來

校舊唐書酷

吏傳

施敘先約二十日消寒第九集

夜飯

先人供楊年糕及茗

飯

昔孫人王節婦錢二千車錢一千餅餅一包

郎鈔

詔

二十日於

大高殿及覺生閣壇祈雨仍親詣

大高殿拈香派慈親王裁勅

鑾國公溥芸等四人直 大高殿貝勒奕細輔國公溥豐等四人直覺生寺俱分

疏上香行禮并派肅親王隆懃詣覺生寺博親王詣時應宮恭親王詣昭顯
廟惠郡王奕詳詣宣仁廟貝勒載澂詣凝和廟克勤郡王晉祺詣黑龍壇分
拈香俱光期齋宿

十六日辛巳晴敎風甚寒 午祀 光因有六豆菜肴六豆火餅一器

饅頭一盤桌子湯一巡酒再巡飯再巡脯後焚塔泉及銀錠收神位

圖 施敎光兩致書訂後日之飲復辭之 得王益君書 雲門來

爽味來俱以饋食不略 付香銀錢二千兩銀等錢四千

十九日壬午晴 作書致雲門致教夫 下午詣敎夫齋中談

作書致爽味得復 得雲門書

二十日癸未戌初一刻一分雨水正月中 晨及上午濛晴下午霽 校舊曆

書忠義傳 雲門來 爽珠來 官夫來 夜得雲門書作書致爽

殊得復皆為餞竹實使日本事 作書致竹實 是夕席姬所娘

復陸

郎鈔丁寶楨奏持券庸劣不職各員四川南充縣知縣李璉合州知州賈北

誠發邊廳通判楊銘蔚山縣知縣瞿樹蔭候補知州湯似慈候補知縣錢尊

仁候補同知趙席珍均請即行革職叙永廳同知吳之桐萬縣知縣糜獻珍

鄰水縣知縣白鶴林請分別另補降補江津縣知縣王煌請以原官休致從之

詔恩肅玉山盛啟保賞給委敘秩大臣

二十日甲申晴 陳夢卿以母喪來赴作書言之 鬢頭 爽珠來 以

太平廣記較舊唐書酷吏傳以此傳多本於御史志空記廣記酷吏傳門所引較

葡萄也 夜五更時雪積半寸許

二十二日己酉晴

作書致王益各為一僕

得子縝去年長至日長沙書

言於岳州度歲

是日與致夫合薦餞惺齋以質符請張叔平米卷生

李五舟及雲門下午料檢酒若醴濁之屬晡後叔平來倚晚卷生來五

舟來黃昏設飲并招玉僊諸郎酒一行後惺齋來以質雲門為張之同拉

之與兩廣總督張樹聲之子贊郎某及湘州一贊郎張 赴許仙坪之飲至

酒闌始來夜二更後散

付蕭席銀一百千下賞及安車僕雜費新酒等錢四十千以上與致夫對派

二十三日丙戌晴

爽味來不晤

是日起甚速

校舊唐書忠義傳

作書致爽味

爽味來

雲門來

是日開

西聖疾又甚篤博恭

醇三五再破召入先除夕聞疾已危甚 宮中皆儲葡不虞嗣聞稍瘳有

游幸 御花園之事今益又病也

師鈔李瀚章奏湖北鄖陽鎮總兵周有全病故請 旨優卹

詔周有全於咸豐年間統帶水師分防斬黃克復小池口九江等處保全樊城

白鎮在營二十餘年戰功甚著茲以積勞病故殊堪憫惜著照軍營立功後

積勞病故例議卹茲將事迹宣付史館准在立功省分建立專祠以彰志蓋

甯人為收湖北武昌府知府黃福榮門下以軍功積官至湖北候補道時補以直貢需求於鄂楚言之皆應方改有全副將領一途官駐光化之英河口苦年湖北禁小機其評於案間經劫市人看鄂派負七較數年過市兵採而質許之市人不平厚與共有全所有全遂報天府官民變光化邑邑無科名婚紳有諸某某其父以貢生得辭職需次而向於是邑人屏掩於天府以瑞奎父子名居首總督李瀚章竟報之此湖北人皆能言其詳著至台帝請張瑞瑞請撤銷卹典不許

龔繼昌為湖北鄖陽鎮總兵

二十四日亥霧 孺初來 來蒼生來 前晚出門 恭拜數家黃昏

至象寶堂赴爽珠蒼生之飲招霞芬玉仙夜二更歸

付車駿二千霞五車 四千酒保費二千

續說文段注作說文與一篇說婦一篇

師鈔

新甘肅按察使史念祖來京另條簡用以分巡平慶涇道魏光燾即陽人附監生為甘

肅按察使

史念祖以去冬十一月來京陞見道方出都而印被此旨聞在相國袖中也

二十五日戊子晨微雨旋大風下午數見日景晡後數晴風竟日不止

始徹鑪 是日起甚速

續說文段注

夜有風

師鈔御史李璠

寶城人己丑

選江西臨江府知府

本任知府海常丁憂李璠以河南道御史督理衛道職權藉聞其同官已有劾彈之者

二十六日己丑晴下午數霽

續說文段注

庚午同年支恒榮編修以

喪竭來赴送楮分

同司壬戌曾揚典誥等約明日飲福隆堂辭之夜

偕毅天雲門飲聚寶堂又飲壽春堂招玉僮三隻歸

二十七日庚寅晴效霽

作片致爽咏辭今日之飲

猶初來談下

午借詣戲香談至晚過對門視汝翼疾即歸

校舊唐書天苑傳

數葉

二十八日辛卯晴上午效霽

曉臥中疾動

作書致竹資慰其喪子

且詢行日

校舊唐書天苑劉資傳

師鈔大學士及宗崇奉 召至京

詔

二月初三日再親詣

大高殿祈雨仍命肅親王隆懃禱覺生寺淨親

王恭親王等分禱時應諸官廟克勤郡王晉祺禱黑龍潭

詹事府詹事寶廷為內閣學士兼禮部侍郎銜

上諭

御史萬培因奏考試官學漢教習日久弊生請查照成案於鄉會試薦

長內批取一摺著禮部議奏

二十九日壬辰小盡大雪竟日積五寸許

是日得雪可喜而寒甚

焚香擁爐勸舟陽共人絕妙好詞時時緩筆淪若相對此中靜況不可

言說者也

得故文書即復

夜得詞一首

一枝春

辛巳正月晦日密雪丁夜時久苦晴以宮去一齋待甚度賦此志瑞

暖入春幡乍東風蕙轉冰成酥雨細梅過了又見亂霏香霧琳宮鑿
度正金縷玉晨宵御應豔道瑤草琪花迢復醮壇鷄鶩如聞秀
郊人語笑聲來騰似燈期簫鼓鱗鱗翠瓦漸迷玉簷瓊宇涼蟻借
取訝窗近在珠未處還自檢銀燭風簾細商詞句

郎鈔

玉讀去聲

詔大學士左宗棠管理兵部事務左軍機大臣上行走並總理各國事務衙門行走

二月癸巳朔晴蚊雪

校絕妙好詞箋

傍晚猶初熾香未盡回寒

殊在飲宴賓商賜談至榻再見跋二受後歸

付弄傀儡錢四千四百

師鈔

山西巡撫曾國荃為陝甘總督 詔即來京陛見衛榮光實按山西巡撫

初日甲午晴間霽大風寒甚

點勘絕妙好詞箋比日復用爐火

昨聞所寶又喪一女作書慰之

晡後讀公羊通義

雲門來 夜

同教夫雲門談風少止

得所寶書言是夕幼子又殤十日之間連喪

三子可慘之甚

初三日乙未晴傍晚有風甚寒

讀公羊通義

鬢頭

晡後

讀漢書

付孫人王節婦月費七千 隗囂戲錢四千七百

初四日丙申晴 按讀絕妙好詞箋 作書致雲門 印牒局送

未子二月正月必費銀二十兩五錢 雲門未贈朱碧微雲箋百番 夜

雲門遊同所賞教夫飲便宜坊一更後歸 是日有風嚴寒以畏

姑對上編

大不敢擁鑪身劇手恣思枚擗春事已當山桃紅埃野齋青齋水活

舍煙雲輕帶油錦檣翠絡多工東郭之船歌管酒旗爭趁南鎮之市

而羈縻子稔芬莫一官辨莊之資涉幣無計清明先整又虛夢飯之澆

蒼茫故園日寄蓬飛之夢而已 符質屋解六兩

初五日丁酉晨晴上午後多霧傍晚晴嚴寒冰欠 曾祖妣忌日供

饋田青七豆菜肴三豆大餅一器饅頭一大盤梨橘各一盤蓮子湯一巡酒

五巡飯再巡茗飲一巡春餅一盤哺後畢亭焚楮泉 竹香錄卷之三十一

師鈔

禮部主客司郎中 宣綿善為鴻臚寺卿

初六日戊戌霽午午間晴傍晚有風西寒益甚 官夫來 葉編修

國瑾送來歲輔通志海防圖一冊 鐵香來久詩 官大約明日飲

校讀說文段注近因欲歸不得意緒甚惡故讀書無次輟作不恆

是日酉初二刻十二分驚蟄二月節 付德偏殿破六千六百

初七日己亥晴 竹篔來話別 雲門來共午飯 晡後借雲

門詣教夫小坐傍晚詣鐵香談復視汝翼疾夜赴官夫飲坐有

竹篔惺齋菴仙及果枝庶常誅至三更歸

初八日庚子薄晴間霽晡後霽 作送竹篔使日本詩以竹篔請之

甚殷也 爽採來 作書致雲門得復 作書致彌初得復 夜雪

竹筴來話別即寫詩與之

許竹筴以待講賜二品服為奉使日本大臣索詩為別作長歌

一章送之

聖○清○懷○遠○頓○八○紘○大○瀛○海○內○皆○王○程○皇○華○之○選○極○侍○從○特○賜○金○紫○銜○
東○征○日○本○名○見○自○唐○始○隋○傳○日○出○處○天○子○夜○郎○笑○漢○夷○俗○然○墨○戾○誇○敵○
匪○所○恥○我○聞○倭○北○接○馬○韓○蠻○觸○百○餘○山○島○間○通○譯○漢○魏○三○十○國○至○今○滅○沒○
同○飛○烟○吾○妻○鏡○事○略○可○聯○天○王○系○院○代○相○續○文○物○差○欲○躋○新○羅○衣○冠○漸○亦○
效○華○俗○狡○為○邊○患○始○有○明○鯨○魚○波○浪○吳○會○驚○朝○鮮○濟○師○幸○告○捷○舟○山○
乞○援○終○無○成○方○今○外○息○日○孔○棘○持○角○大○秦○連○漢○北○東○眈○西○睨○相○翕○張○去○甲○皎○

龍。親。酌。食。中。山。歡。斯。干。葉。王。一。朝。驅。縛。可。共。羊。鐵。艘。出。沒。鼉。鼉。喚。
蚤。涎。錫。擬。菟。浪。沖。聖。垂。衣。未。親。走。兩。宮。宵。旰。軫。邊。事。中。
樞。持。重。疆。臣。媿。緩。急。弛。張。屬。之。使。君。在。翰。林。傳。敢。言。搏。黍。指。畫。几。
案。前。龍。節。拜。奉。璽。書。出。東。風。吹。禘。爭。花。先。津。沽。春。水。竹。箭。
迅。妙。簡。賓。游。盡。才。俊。古。云。隔。海。萬。二。千。破。浪。隨。輪。抵。一。瞬。對。馬。隱。
隱。神。山。開。卷。帆。直。過。邪。摩。臺。男。冠。四。花。女。屈。紉。鼓。角。齊。近。天。人。來。
自。來。折。衝。在。尊。俎。松。塵。一。揮。落。芒。距。從。容。餘。事。及。藝。文。先。唐。佚。書。尚。
堪。補。送。君。駟。驪。雪。尚。飛。薊。門。柳。色。未。侵。衣。三。年。會。看。鯨。人。貢。百。輩。
朝。衡。隨。拜。歸。

初九日辛丑晴間霽

雲門來

孺初來

爽味來

得級文

片借日記即復

鐵香來夜談比日寒甚復擁爐

更老弄以亮日
受扁村機之千

初十日壬寅晴少霧多有風

是日小極不快

寫長羊臘尾燭

影搖紅詞分致伯寅尚書及毅夫又寫臨江仙詞致雲門余不喜作字

尤不耐自書所作故懷人寄遠之篇往往不致其人今日小覺體中不舒

掩卷多暇始寫詞分致梓作書致尚書

毅夫來與之小飲 得尚

書復雲門復

閱劉雲生錫鳴

英軺私記二卷

雖辭筆尤俗不如郭

筠仙使西紀程之簡繁而敘述甚詳於所見機器火器鐵船皆深求其利

弊言之葡悉英人謀利之亟講武之勤以及收貧民教童子監獄之有法

必作之有程國無廢人人無棄物皆能言其實而風俗之陋習尚之奢君民不

分男女無別亦俱言之不諱至言中國外交之道當據理直言不可為寒氣

之談尤不可為陰陽之論凡自誇強大不憚用兵及中外一家懷柔遠人等語皆彼所共識傳相姍笑而或自相輕薄詆華媚夷至效其衣冠習其禮節尤彼所深鄙此則持邦交者之至言使四夷者之切戒古今不易之理也至生番蜀人以舉人質部好為大言依託貴要得薦副部嵩盡侍郎使英吉利半年後改為使德國正使其居德頗有口舌功聞尚有德船私記當再俗觀也

部鈔

上諭御史鄧承脩奏周有全屢被參劾並無戰功竹帛馨香未可濫膺仍請撤銷等語朝廷褒功予卹一秉大公周有全既速經被人指摘不洽輿情所有將事迹宣付史館及建立專祠之處著即撤銷該總兵身歷戎行亦尚

著有勞績仍著照軍營立功後積勞病故例議卹李瀚章所請過優亦有不合著交部議處

詔十二日再親詣大高殿祈雨並分禱覺生寺時應宮昭顯宣仁凝和諸廟及

黑龍潭

以光祿寺卿宗室載英為太常寺卿以翰林院侍講學士高申為詹事府少

詹事翰林院侍講學士廖壽恒轉侍讀學士鍾駿左春坊左庶子張

之洞升侍講學士檢討周冠授河南開封府遺缺知府 本在開封府蔡慶良病故

十一日癸卯晴敷風地潤雲門來下午偕詣敦夫館中談此日

質甚昨託敦夫向鄉人陸湘泉假百金今日送來銀五十兩得傅子

尊片送來蓮舟臘尾開封書并寄銀八兩即復謝又暴富矣一夜

雲門邀同敦夫飲聚寶堂招霞谷至僊至僊近日有山西陽曲縣知縣汪
守正之子某隨其父入都為監部以九千金為之脫弟子籍守正錢唐監
生巧猾吏也去年 西朝不豫各省大吏多薦屬員之知醫者入京
守正其一也晉中久大祿而守正囊橐之富如此又近聞山西軍需報銷
部費至十萬金不肖之司員及吏書錢儉朋而分之饑受膏血以飽此
輩可憤絕也二爰飲霞谷家霞谷贈院中芋錫片兩苞四爰歸

付霞谷酒錢四十千賞其僕十千車錢二十千霞玉車六千客車四十千
蔡備臣庶常喪婦障分二千

邱鈔

上諭前據都察院代奏江西候補通判趙清韶敬陳管見一摺當經寄諭周
恒祺查奏茲復據都察院奏趙清韶再陳管見一摺據錄呈諭旨二道前旨

係屬寄信該員何從繕錄其另錄一道竟屬捏造殊堪詫異趙清韶著先

行革職交刑部嚴訊具奏

趙清韶山東無成人以江西試用巡檢加捐通判解任京六年三月請於山東淄川按察使文登官海寧縣調補望縣復去日照縣除來無官印領可開且云捐銀五千兩備用並無報小以此為實試若也

十二日甲辰晨及上午收晴下午霽

校閱絕妙好詞箋

得雲門

書約觀文昌燈劇

洪右臣來不晤

署中送春俸銀千六兩

附署中茶房節銀三千

十三日乙巳晴風

作書致敦夫還銀四兩尚是去夏所借執事金也

鬚頰

孺初來爽味來

傍晚孺初邀同敦夫爽味及張侍講楷飲

宴賓齋談至三更歸大風

十四日丙午晴偏午後風復作

讀說文段注

雲門來傍晚偕詣敦

夫齋中談致夫邀夜飲聚寶堂招玉德三更歸比夕有佳月而寒尚甚且

多風 村東發五午五半四午

師鈔

大學士寶譽左宗棠全慶於管理處所均免帶頰引見

上諭 刑部奏盛京工部六品官袁祥父子被戕身歿一案應將李永智嚴身覆

驗請旨辦理一摺著派恩福潘斯廉會同盛京將軍奉天府府尹盛京刑

部侍郎詳細驗明具奏

十五日丁未晴午後有風 邑報春祭不赴 校閱絕妙好詞箋

作書致雲門 傍晚致夫來以是日為正花朝宜作一小集雲門不至遂

借致夫同車詣聚寶堂并招玉僮飲夜一更後歸月皎於晝今年第

一佳夕也 付車棧五千酒保賞三千車飯三千至車二千

十六日戊申晴 得雲門書 哺詣才盛館同司園拜演劇甚佳鑿戲

尤可觀接席連茵則前諸惡狀耳夜月益皎至四更戲畢始歸共子嬰

娑興復不淺惜無驅蠅之扇發成挂練之衣

計席分發十千車發十千

郎鈔

以前頓天府府丞王家壁為鴻臚寺少卿

十七日己酉晴 鄧穢香來 得跋文書還日記 雲門來 近志

夢腹右半腫痛牽引肝氣疝氣諸病 是夕墜

郎鈔貝子銜前任盛京將軍奕湘卒

詔奕湘由委散秩大臣荷累期知遇之隆歷任將軍都統尚書內大臣在盛京將

軍任內因病闕缺賞食半俸加貝子銜旋賞全俸方其克享遐齡長承恩眷茲

聞溢逝軫階殊深加恩賞給陀羅經被派貝勒載漪帶領侍衛十員即日前往奠

銀賞銀一千兩經理喪事由廉儲司給發照將軍例賜卹伊子主事戴卓賞給
員外郎伊孫溥慶賞給主事

十八日庚戌晴 爽球來 夜霽

十九日辛亥晨晴上午後多霽午後間晴晡後復霽 作金人避諱考

一篇詩四始說一篇 溫移花洗馬以瓦喪來赴送奠分四千 吳松堂約後

明日飲辭之 夜霽 付孝并三月分工食錢十千又次席姬小產滿月賞玉賜姬錢十千

邸鈔

詔二十日再親詣大高殿祈雨仍命諸王貝勒分禱覺生寺時應宮昭顯諸廟
及黑龍潭

山東巡撫周恒祺奏按察使靈杰因病懇請開缺 許之以充曹沂兵備道

潘駿文

涇人

為山東按察使

駿文姓河督錫昆之子以功宦聞

二十日壬子晨薄晴上午多雲午後晴致雲傍晚復雲有風

先祖考及節孝張太太忌日上午供饋因肴六豆菜香四豆又為節孝設

菜香五豆共設闕楮兩盤梨兩盤饅頭一大盤蓮子湯一巡酒三巡飯再

巡哺後畢事 作書致汝翼饋祭饌兩器及蘋果 饋劉仙洲夫人

祭饌兩器 冑夫來 得汝翼復 雲門來 冑夫邀同雲門致

夫飲便宜坊夜談至二更散復偕雲門過教夫齋中談至三更歸四更

始寢是日溫酥始有春意不能衣重裘彌念故園春事殷盤原濕借繡邨

落續錦桃在燕子時逢畫船桑柘斜陽多趁社劇湖山之勝何啻登仙

師鈔山東濟南府知府黃大鶴并分巡兗沂曹濟道

二十一日癸丑戌初刻春分二月中晴暖

讀段氏毛詩小學腹毛

增劇

得族弟品芳書告乃翁十一叔於去年九月去世

曬衣藏裘

夜得百夫書借日記

郎鈔正藍旗護軍統領三哥承恩公照祥卒

慈禧皇太后異母兄也

紹熙祥由委散秩大臣御前侍衛歷任副都統護軍統領宣力有年克勤厥

職前因感冒賞假茲聞溘逝悼惜殊深加恩賞給陀羅經被派貝勒戴徽帶

纓侍衛十員即日前往奠醊賞銀二千兩經理喪事由庫儲司給發照都統例

賜卹伊子德善俟百日孝滿後承襲公爵

理藩院部中全志授山東濟南府遺缺知府

二十二日甲寅晴暖

得百夫書約過談

作書致雲門

讀毛

詩小學 雲門來 百夫來賜說至晚邀同雲門至便宜坊已無坐處

又回至宴宿漸夜飲清談爾永二更始歸

郎鈔

上諭通政司參議劉錫鴻奏疆臣不堪倚任臆款參劾各摺片披覽所奏各節殊堪詫異各省疆吏如有辦事乖方或不勝任者有言責諸臣自應據實參奏李鴻章久任封圻深資倚畀其平日辦事原不能一無過失朝廷隨時訓誡亦未嘗稍有寬假茲據劉錫鴻所陳各款奏留藩司任道鎔入覲為藐視綱紀獲奏籌備餉需一疏為藐抗朝廷腹非論旨優係委員黃忠和等為妄言欺護等情深文周内已屬支離至謂其跋扈不臣儼然帝制並以荒誕不經之詞登諸奏牘肆意傾陷尤屬謬妄糊塗朝廷於取不聽言一秉至公似此信口誣毀不

可不予以懲處劉錫鴻着交部嚴加議處

以德福補授正藍旗護軍統領容貴調補鑲白旗滿洲副都統載鶴賞給

三品頂帶署理正藍旗蒙古副都統

二十三日乙卯晴

鬢頭

比日肝氣兼內熱大發要腹重滯作痛昨偶治

毛詩覺益疲今日點閱愈理初茶已類彙以自遣 周介甫約廿六日樂椿

園公饒謝惺齋

張叔平約明夕才盛館觀燈劇辭之

湖北人黃御

史元善來

邱鈔貝勒銜固山貝子載容卒

詔載容由散秩大臣歷任宗人府左宗人正黃旗蒙古都統內大臣克勤厥職嗣

於光緒三年因病准其開缺賞食全俸茲聞溘逝軫惜殊深著賞給陀羅經

被派戴瀾帶領侍衛十員即日前往奠醊其餘飾終典禮該衙門察例具奏

二十四日丙辰晴

校舊唐書郭孝恪張儉蘇定方薛仁貴等傳一卷劉

仁軌郝處俊裴行儉及子光庭傳一卷唐臨及孫紹張文瓘及兄文瓘等徐有

功傳一卷高宗中宗諸子傳一卷裴夫劉禕之魏玄同李昭德傳一卷鈞校

補正以小字密書頗費心力至夜四更方罷

二十五日丁巳晴

得王益君茶酒書送來新刻嘉慶一朝東華續錄五

十卷作書復謝稿使二十

下午詣教夫館中談

謝惺齋來辭行

閱東華續錄故事庶吉士散館列三等若歸原班銓選已昨散館強克捷子

望太趙文哲孫榮皆列三等

特旨以克捷文哲皆升主事加恩望太榮俱用內

閣中書吾鄉章和孫榮以丁丑庶常是年散館三等歸班十餘年後始選直

隸沙河縣知縣

郎鈔

雲南臨元鎮總兵黃武質為雲南提督 本任雲南提督州中和丁母憂

翰林院侍讀學士貴恒為詹事府詹事

工部郎中鄭錫敏 直隸監生 選甘肅平慶涇固道 工部漢郎中五秩近年五監生疏之潘敏猷朱其煊許景福沈守廉及錫

敏也權營醜穢靡所不為而駁猷景福錫敏為尤甚故駁猷先得道員景福得知府今錫敏繼得道員各官遂為穢區玷玷跪安轉相師法矣

二十六日戊午社日晴暖 以凸花箋寫甲寅山居小詞一闕致官夫

午出門春拜吏鄰新授河南知府周檢討冠新選寶應知縣梁庶常故 湖州人

詣櫺香雲門皆不值春詣董御史元善送謝惺齋行並不值晤則介甫告

以今日不克與錢郎歸 是日始浣衣樹 毅夫來以余腹元久不愈為

尚書齊日己

一集下

完

約其同年即孝廉來診 作書致惺齋 夜詣豐樓以是日約孺初

鐵香官夫來林飲也諸君已先至暢談至二更後歸 付車錢九千四百客車六

千酒任賞二千

邱鈔鄧榮升補雲南臨元鎮總兵

二十七日己未晴 春光甚美讀書尤佳而體中不好不能校讀時循行

花樹莫翦枯枝拂拭萌芽漸覺芳詔可玩 周介甫來 致夫來邱孝

廉來為診脈定方 官夫來 雲門來 夜偕致夫雲門飲聚寶堂

招玉僊一更後復飲玉僊家招霞芬三更後歸 昨本以客中社日鄉

思無聊欲借治聲之名從霞芬一醉而昨巨歡儔不得今日復花葉並違逆

亦替月招星若予懷抱人生飲豈固有定也 付玉僊酒局錢四十千賞共僕十千

車錢七十客車三千醫車八千五車二千

二十一日庚申晴

下午秋露

腹气更劇雜閱小學諸書

洒掃中廳書室擬將

迄讀其間

令僕輩收晨昏至司天監買小祿本亦可謂遲鈍不及事

若矣

吳玉粟來

夜練校舊唐書志傳一二篇而腹滯益痛卒不

能下筆早臥令席姬按摩之

五更疾動

邱鈔

上諭曾國荃奏請將已故道員建立專祠並將事蹟宣付史館一摺已故甘肅

甘涼道李鶴章於咸豐同治年間剿辦髮捻各逆在安徽江蘇浙江等省屢

立戰功勞績卓著加恩准於立功地方建立專祠並將事蹟宣付史館立傳以

彰勞勩

鶴章鴻章弟也由廩生從曾文正軍得官依例兩章剿江浙之賊頗有勞文正對檢歷乞病歸以去年五月卒

二十九日辛酉晴暖可單棉衣

水仙花已過山桃將放李花粵綻丁香

葉吐 課僕輩迤西院榆葉梅一株栽於中庭槐桃之旁以避藤陰
也躬助畚耒亦抱甕 印結局送米是月公費十一兩其詳江蘇湖北浙江
貴州久停分發近日廣東廣西雲南湖南江西福建亦皆請停此事將絕
吾輩首陽之期至矣 有光祿寺署正吳 淑以妻喪來計此人庚午同年
不知何省人也從不往還而憶甲戌之夏吾浙蔣宗禮解元之次寫單索賄
比君曾出二金是可取也送以奠分四千

印鈔

三月初二日再親詣 大高殿祈雨仍派肅親王隆懃禱覺生寺惇親王等
分禱時應昭顯諸宮廟豫親王本格禱黑龍潭貝勒載陸克勤郡王晉祺分
禱清漪園靜明園龍神祠

通政司參議劉錫鴻照吏部議即行革職

刑部郎中翁曾桂授湖南衡州府知府

本任知府劉燁丁憂

三十日壬戌晴暖

閱嘉慶朝東華續錄并揭藥

以舊韶頌

向貨郎僱易新絲篋器四以敵羊束易飯器十損所不需易其所無

付貨庄銀六兩 黃昏大風一更後止

邱鈔曾國荃奏病仍未痊請假調理

曾國荃賞假三月就醫調治一俟假滿即行來京陛見陝甘總督仍著

楊昌濬護理

Faint vertical text columns, likely bleed-through from the reverse side of the page. The text is illegible due to fading and ghosting.

三月癸亥朔晴 下午散霽

曉桃花開海棠始萌

讀呂氏家

塾讀詩記

儒初鐵香來夜談二更後去

作書復族弟品芳

信其丁父息又致季弟彥僑各附寄會試行卷二十本

師鈔

上諭恭錄奏平反巨案請旨請旨分別辦理一摺據傳同治三年烏魯木齊失

陷由於提標中軍參將索煥潭首為反謀提督業布沖額毫無覺察迨

叛逆已著勇丁朱小桂赴提督衙門喊報業布沖額聽信索逆誣陷之

言謂朱小桂誣報軍情立即處斬未幾索逆遂反烏魯木齊及附近各城

相繼淪陷等語朱小桂被誣冤殺自應即予平反著照所請交部加等議

卹並准其祀原任烏魯木齊都統平瑞專祠索煥章之父索文所得三代

原任甘肅提督

一品封典太子少保衛雲騎尉世職著一併褫革業布冲額信任逆回貽誤大

局竝著將卹典撤銷

疏傳同治三年三月奉 光緒五年門縣三四楊春黎怡匪年二月督張發政為本齋社後京刺沙面之英於馬仲遠任在任後庫爾喀刺高蘇領防七臣文承等皆於三月十日獲馮馬城而之遂阪城而冲額信爾強聖中旨之軍地比知關亂作禁電守門若關門四板業布冲額分從案逆賊其時滿洲自從子承自被禁中

上諭岑毓英奏提督傷發身故請旨賜卹一摺貴州提督張文德於咸豐年

開隨剿粵匪轉戰江南浙江福建各省迭克城池身受多傷嗣補授貴州總

兵升任提督剿除苗匪整頓營規宣力有年功績卓著茲因傷發身故殊

堪憫惜加恩照提督例賜卹茲將事迹宣付國史館准其祀貴州省城曾

璧光專祠以彰善績

以貴州鎮遠鎮總兵羅孝連為貴州提督和耀曾補鎮遠鎮總兵

初二日甲子澹晴輕露

作復稷倉書復陳玉泉書各致誠卷二本兩

君皆需次蘇州詭阜康銀號轉寄

得陶心雲二月二十二日里中書

敦

張發政已而自不詳有

夫來 雲門來 夜露閱舊唐書終夕罕暝

初三日丑晴有風 鬢頭 雲門來致夫來是日啟借二君游城

西南諸寺且向廟市尋花而日暖多塵見車不得輒紅十丈州絲木

芽遙想故鄉莫窮麗矚千鬟花笑萬鏡波迴溝塍築其鍊金城郭

新如點黛正不止錦鷄擁水上河可圖羽觴隨波修禊成故也 下午

偕至廣德樓聽春臺部洵晚鼓夫盃飲聚寶堂招霞芬玉僊夜三更

歸 冒夫來袁爽初來俱不值 是日柳萸綠見

初四日丙寅晴 迎春花開 上午詣教夫齋中小坐即歸 易緯

通卦驗立春楊柳梓莊氏述祖夏小正音義柳梯梯也若發字也下引之謂梓即

梯之誤案梯亦段借字或作梯若後出字本字作蕞亦作第 蕞為第之初生引中 為凡州木葉之初生

郎鈔廣州漢軍副都統經文大因病原品休致

正紅旗滿洲副都統鍾太調補廣州漢軍副都統正黃旗漢軍副都統侍

錫珍調正紅旗滿洲副都統

海英補正黃旗漢軍副都統

右春坊右庶子陳寶琛轉左春坊左庶子翰林院侍讀周德潤并左庶子

刑部郎中慶勳授湖北武昌府遠缺知府

本任知府陳廷傑丁憂

初五日丁卯晨霽午暮後收晴下午靄霽

陶在紅自宜昌馳書來告

雲門尊人鑑庭總戎於二月十九日卒屬告雲門即日奔喪前日聞以貧行抵

上海已丁父憂今雲門復嬰斯變二三知己相踵銜恤憫然形影搶恨何已

詣教夫齋中以雲門今日在湘廣館為周氏陪弔屬教夫使之歸為 官夫

來 下午走唁雲門於圓通觀晤有夫乘珠黃再回潘伯副及張之洞晚歸是日

有風復寒夜四更後雨

初六日戊辰晨小雨已正午晴夜子初一刻十分清明三月節 祭

曾祖考妣 祖考妣 本生祖考妣 先考妣四肴菜肴各六豆菜羹一器

飯頭一盃時果四盃紅費扁豆湯一巡酒三巡飯再巡哺後畢事焚紙錢

祀屋之故寫公 毅夫來 傍晚偕毅夫走視雲門暗爽味夜歸同致

夫小飲一更後毅夫邀飲霞芬家以客中過節偕花一醉也并招玉僊

四更始歸 付肴銀券錢三千 旅人玉節婦月費六千 楮錢七千 車錢五千

初七日己巳晴風甚寒午後散霧相間 紫丁香吐萼若花將放 桺葉

漸抽藥枝桺梅皆紅綻 閱玉函以房輯本小學諸書其開元文字音

義義雲章李商隱李氏字略三種有錄無書擬補輯之

郎鈔

以詹事府少詹事嵩申為光祿寺卿 以左春坊左庶子寶昌為翰林院
侍講學士

初八日庚午晴

李花始開

作致江西安仁陳訐堂師書并寄

會試卷二本寄江敬所一本又致玉松齋書致張玉珊書各寄試卷二本
松齋卸署廬陵玉珊攝篆奉新也又復族弟小帆書并試卷四本

毅夫來

夜詣毅夫館中小坐以寄江西書件詭毅夫屬潘伯駒交

江西一幹員附去

閱呂氏家塾讀詩記卷二未半卷甚逆輟 夜半

後大風牀屋震撼不敢瞑比日膏腹間痛止而夕款又作五更疾動

郎鈔

上諭御史徐克剛奏上駟院郎中廣善與上駟院卿尚宗瑞往來營私家古
王公呈進馬駝索銀如成賄屬冒頌又各園應領豆米種種需索物議沸
騰請旨查辦著派寶璧毛昶熙確切查明據實具奏

初九日辛未晴風終日狂甚傍晚稍止 白丁香吐夢香花開

官夫來以方食辭之 敬書天山府君家訓楹聯寄品芳以答年十

一叔妻請之也故仍題十一叔屬書追系以去年三月行前兩紙皆託管

紹興鹽茶向知府常綬家人附去 謨雲門尊人鑑庭總戎輓聯云述

祖績麒麟自束髮從戎編歷蠻烟瘴雨百戰致旌摩蓋賦得詩書盈

醫定遠生歸還空看苔臥綠槍塵埋金甲讓犀兒熟脚封侯灑淚

湘天未了枕戈遺恨在傳家有熊驥以立身為教分治朱武願文詎

知珠樹偏凋。僧彌獨秀。剛喜玉堂香惹。苑縣春生。待百里。藝蘭視膳。
驚心風木尚遶。奉徽計音來。即買白綾。二丈書致雲門。 晴後詣官夫
設晚至圓通觀。視雲門。即偕教夫歸。 官夫邀同教夫陳書玉編修
及其館師朱芳廉。夜飲。便宜坊吃燒鴨。二更歸。 付車燈五年。

邱鈔

初三日再親詣 大高殿祈雨。仍派諸王貝勒公分禱覺生寺。時應宮昭顯
諸廟黑龍潭。白龍潭。清漪靜明兩園龍神祠。

初十日壬申。晴。下午有疾風。旋止。 為教夫撰雲門尊人親臨行書之云。
係籍掌。欣飛殺賊立功。繼建和門。旗鼓乃世將道家所忌。歸去騎驢。
閒招舊部。漁樵翠峽。花前同一醉。感恩仍士伍。讀書教子不。求杜曲。

蔡麻幸文。明武節兼施。和聲鳴鶴。詎料蓬山出入。靈椿天上。已千。

秋。爽味未談竟日。致夫來偷晚。招同官夫書玉。諸君飲便宜。

坊仍吃燒。馳夜二更後歸。什同年王吏部做了火憂。障分錢二千。庚午同年祥。惟編修考彬。裝偶種。鷺藻。時令表兄。而氣。學士。障分各一千。

是日海棠見紅。萼山桃落盡。

十一日。奈酉晨晴。雲相間。上午霽。有風。午風益大。散晴。下午晴。傍晚

風小止。早起。驚聞昨日時加戌。

慈安皇太后崩。東聖素無疾。自去年春。西聖久不豫。適俄夷要挾。諾夷親

變。恐獨百端。樞府疆臣。共為異論。設疑。壽幻。冀怒。聖聰內外。屏不逞之徒。

謀。使城外及開。鐵路。遠電線。諾怪。詭不經之事。以猾夏。媚夷。牟利。辱國。

若。致脅。劫制。請言。日起。東聖獨攬。萬幾。晨夕。憂勞。披覽。封事。常

至夜半內斷 聖心在左格請入京任以政事鬼域游議卒不能動而

勤政過甚精力內痔微疾怒中遽棄萬國悲夫 得杜仲丹考廉

貴輝 復書以前日雲門開計若哀於直隸方大混按察仲丹在方君幕

予為致書屬其婉言乞贖也今來書言已送二百金雲門可即奔喪矣

鬢頭 教夫來 作書致雲門饋以羅棗核桃饅塌米粉得復 晚詣

圓通觀視雲門黃昏歸 夜風不止月甚寒

邸鈔內宣

慈安詔松康慶昭和莊敬皇太后遺詔略云予以薄德祇承

文宗顯皇帝冊命備位宮闈迨 穆宗毅皇帝寅紹玉基 今皇帝入繼大統

雖當時事多艱所宵勤政然幸體氣素樞強健本月初九日偶染微疴不意

初十日病勢陡重延至戌時神思漸散遂至彌留予年四十有五母儀尊養垂
二十有夫復何憾第念皇帝遭茲大故人主一身關係天下務當勉節哀思一以國
事為重中外文武恪共厥職其喪服的遵舊典皇帝持服二十七日而除大祀固不
可此禘祀亦不可輟予向以儉約樸素為宮壺先飾終儀物有可稍從儉約者
務惜物力副予素願故茲誥諭其各遵行

上諭朕入承大統仰蒙

大行慈安端裕康慶昭和莊敬皇太后顧復恩慈於茲七載承歡奉養深荷 慈

恤常見動履康強所宵勤政私心慶慰方冀期頤祐九日 慈躬偶爾違和當

進湯藥調治以為即可就安不意初十日疾湧氣塞遂至大漸遂於戌時 仙

馭升遐呼搶哀號曷其有極欽奉 遺誥喪服二十七日而除朕心實所難安

仍穿孝百日泣素服滿二十七月稍中哀悃所有 大喪禮儀著派博親王奕

誼恭親王奕訢貝勒奕劻御前大臣景壽大學士寶鋈協辦大學士尚書靈

桂尚書恩承翁同龢敬謹管理詳稽舊典悉心核議

十二日甲戌晴有風

杏花盛開藥枝映梅亦有始花

比日小極

似感微寒

為雲門書扇即行其詩集還之

得敦夫書

得雲

門書

閱呂氏讀詩記始畢兩卷

晴後詣敦夫齋中小談

夜月

出後偕敦夫詣圓通館視雲門以雲門明早即行也奕跡亦在而張之洞後

來避之歸月皎如晝而寒

十三日乙亥晴午後又風

得敦夫書

雲門以書案一及紙子二銅筥一

手爐一畱寄余寫和書案為其親中同居若陳編修理太篡之去云是彼

物亦祇得聽之而已

哺詣教夫談即歸

夜自有雲

師鈔

詔恭理喪儀王大臣照例穿孝百日外親王銜多羅惠郡王奕詳郡王銜多
羅貝勒載澂多羅貝勒載澂貝子銜鎮國公奕謀禮親王世鐸肅親王隆懃
莊親王載勛科爾沁親王伯彥訥謀祐多羅貝勒載漪那爾蘇貝子銜科爾
沁鎮國公棍楚克林沁輔國公載濂輔國將軍載瀾前鋒統領熙拉布和
碩額駙護軍統領扎拉豐阿因倫額駙副都統符珍委散秩大臣載瀛載津
軍機大臣左宗棠李鴻藻景廉王文韶總管內務府大臣廣壽志和師曾廣順
毓慶官行走孫家鼐張家驥南書房行走潘祖蔭孫詒經徐卣亦著穿孝
百日其餘王大臣官員均穿孝二十七日釋服焚燬

慈禧端佑康頤昭豫莊誠皇太后懿旨醇親王穿孝百日

詔各直省將軍督撫都統副都統提鎮等均著職守不心奏請來京叩謁

梓宮

十四日丙子晴有風雨後益甚

孝衣盛開杏花迎春漸落

得矣

採書饋吐鐵一盞甚佳即復謝橋使二千

有同鄉傅楬者來回請

見予不知其人辭之既聞是節予之子自闕來它日當見之

是日疲甚務

自循行花樹往之恭臥

蔡備臣之婦米米赴送奠分四千

即鈔鑲紅旗滿洲副都統安德喜病關疎以正白旗漢軍副都統德福調補

鑲紅旗滿洲副都統內閣學士銓林補正白旗漢軍副都統

編修施之博授雲南曲靖府知府

十五日丁丑晴是日風獨少春光極盛而尚寒

紫丁香花開 作

片紙致殷夫約出游城西諸寺

孺初來夾冰來暢談至晚去

夜月如畫梨花明豔似玉樹照庭二更後月色益皎攜獨循視花
下一周賦五言古詩紀之

三月十五夜月下看梨花作

玉母。返。瑤。島。侍。女。驂。素。鸞。猶。舊。一。輪。月。下。照。人。間。寒。九。春。北。終。望。皎。臨。
天。宇。寬。清。輝。極。淑。景。編。覆。干。花。妍。中。庭。一。株。李。瓊。英。耀。簾。前。皎。
潔。互。映。發。風。露。交。銀。澗。芳。華。凝。良。夜。拂。拭。當。盤。羊。濯。以。圓。靈。鏡。於。彼。
婉。嬾。顏。悅。移。玉。樹。至。壁。帶。琉。璃。懸。方。今。識。白。素。編。葦。葦。仙。鬟。長。樂。耿。
孤。照。元。霜。失。還。丹。遊。景。不。可。駐。星。斗。漸。已。闌。惆。悵。階。下。雪。何。厭。終。宵。看。

大行慈寧端裕康慶昭和莊敬皇太后母儀天下垂慈訓政至德徽音遠邁前古宜

隆 謚號以表尊崇著大學士九卿會同敬謹詳議

十六日戌寅晨晴上午風下午黃霾暗後霽傍晚微雨黃昏雷電

有密雨 藥枝缺梅盤開海棠將放紅萼如錦 敦夫來 朱

蒼生來 傅子眉來節子之兄子也節子寄銀四兩為贈 夜雨旋止

二更月出是夕望三更月皎甚五更天霽

十七日己卯晨及上午嫩雲偏午後晴有風 霞芬贈木香花兩盆

余藥將放風露在滴作善報之賞花使八千 王益吾祭酒來言有選

刻 國朝古文之舉

作復孫弟少梅書復孫姪思主書兩人皆客

粵東一需水微官一廁名幕客俱沈淪轉側負不自聊妻有書來乞為
道地余實無以應也各勉以立品謹身安貧守分而已 杏花一樹落盡

取甌盃清水養之綴以雜英亦自可玩 閱玉函山房所輯小學諸書

作書致敦夫贈以吐鐵一小甌 下午詣敦夫館中小坐 夕陽中看

柳絲金雀花丁香新葉翠黃間錯相映益鮮賞詠久之 敦夫來夜

談日出仍皎

製白布袍一頰反帶

付錢十三年

十八日庚辰晴下午有風晚止 紫丁香盛開有紅杏一株雜幹晚

花穠豔尤絕有大如栝者藥枝亦競放猩紅如滴 得雲門十六日津

法書言已於是日上輪船 作書致黃舟同為雲門送書去且蒙保定志

局所刻相方前樂圖說得復

作致吳碩卿廣州書并試卷一本與寄

族人兩書俱發協興昌輪船局遞去

作致堂伯硯香英人福州書致及

門孫子宜慎昌書各附試卷作書致傅子眉詭附去并約後明日夜飯

傍晚坐花下看夕陽中半開海棠晚陰看杏花餘暎極妍各紀以詩

敦夫來 夜半暝

三月十七日雨後嫩晴柳絲舒翠迎春競花丁香亦有新綠掩映夕陽中

非畫所能到也以二十八字寫之

不須風露倩邊鸞金碧春深咫尺間記取小窗寒幔際夕陽一角李家山

霞芬積木香花

細翦冰藤屑麝胎雙含風露落瓊瑰分明洗硯勻殘側長見籠香翠袖來

夕陽時看半開海棠倚晚看李花欲落各勝以一絕

整倚斜陽不自持
帶人紅萼最相思
漢宮恒滿燈千樹
曾照陳嬌未嫁時
獨立更傷神
日暮能傳倩影真
幽恨臨風如欲絕
楚宮評泊息夫人

十九日早巳晴晡後有風倚晚窗

味爽起偕敦夫入城進東華門

協和門出熙和門詣 慈甯宮赴

大行

安皇太后啟奠行禮日加辰出城詣逸格祭酒即歸復出吊鐘雨辰學

士之喪送奠分六千兩辰與予己丑同歲生早得大魁妻持文柄清華通

顯駸一坐而辛酉杭州之變其尊人及夫人皆歿雜令其長子先天僅遺

一妾及兩幼子今日見其總惟慘黯而孤啼突紫悻得來之間何足道哉

致夫來

鐵香來

付車錢六千

二十日壬午晨及上午嫩晴午晴下午有風暖甚晡效霽 海棠盛

開杏花半落藥枝亦漸謝碧桃紅萼始坼 是日卯

大行慈安皇太后梓宮奉移 觀德殿行安奠禮 作書致張叔平索還

孝子繼毅遺詩得復 作書致鐵香 得益吾祭酒書借國朝文述

即復 作書致殷芻庭取文述 梳頭 毅夫來晡後偕游慈仁寺

看花秧梅紫丁香正盛海棠白了香未華 晚至霞芬家小坐即詣聚

寶堂邀傅子眉夜飯一更後復過霞芬家飲茗清談三更後歸是

夜霽 付霞芬龍井茶摘蔗煮粥等饌四十千賞其僕十千
車馬十千西保費五千宴車飯四十慈仁寺僧茶二千 始食黃花魚 對門晉

祠守廟人崔英常為予購花樹今日或以所斲夾竹桃一對詔予購以錢十

三千

印鈔

上諭 孝文敏奏前任江西玉山縣知縣黃壽祺已故署宜黃縣知縣夏愛前因

虧短正雜各款均經革職監追查抄葡抵乃黃壽祺長子黃文枚夏愛之

子夏致奎均服官他省抗不完繳實屬延玩浙江海沙場鹽大使黃文枚江

蘇候補知縣夏致奎均暫行革職即著譚鍾麟吳元炳委員解往江西以

懲 勒追

夏愛字順父富堂舉人父元皆着德承其家學博涉經史著書十餘種皆年
而為善安永官縣在年後虧餘其所刻善版聞悉錄入江西布政司庫矣

二十一日癸未晨雨上午露下午大雨晡後晴復寒 白丁看試花碧桃

將放李花紅杏俱落盡新移榆梅始華 逸設二內懶倚几案料

檢器物陳度書硯各得其任頗極勞擾 鐵香來 晚晴坐庭下看

海棠

部鈔

詔恭上

大行慈安端裕康慶昭和莊敬皇太后尊諡曰

孝貞慈安裕慶和敬儀天祥聖顯皇后善祥峪萬年吉地曰 普祥峪

定東陵

戶部郎中廷樞授福建福州府遺架知府

二十日甲申辰初刻五分穀雨三月中 竟日大風晨薄晴上午霽午後

間晴多霽頗寒 得跋文書借日記即復 閱五面小房所輯小學諸

書 得秦妹伊去羊長至後二日書 傳子眉來辭行 鐵香來

焚近年親故干乞諸書牘 同年壬走部做為太翁開吊送奠分四千

二十三日巳酉晴午後有風 木香花開清芬盈室 閱玉函山房所輯

小學諸書其中誤字甚多為之小加勘正 傍晚坐中庭花下讀書因

之晚飯 付李計十月之食帳若干

二十四日丙戌晴時有小風 白丁香盛開紅碧桃榆梅俱華海棠漸謝

紫丁香共 霞芬來約後明日極樂寺看花 得益吾祭酒書還文述

即復以戊辰叢書一冊借之 校閱惠氏九經古義 補後詣敦夫齋中

小談且約明夜同入麻赴 觀德殿初祭 作書致殷夢庭還文述

夜大風

二十五日丁亥上午晴熱下午散霽晡後黃靈 得益吾祭酒書

敦夫來 洗足換夾襪 作書致霞芬屬其料簡廚餐 下午詣官

夫視其長郎病狀因畱久談吃黃魚鮑錢龜仙亦來至晚始歸庭中海
棠尚盛藥枝雖謝猶有晚花葉底深紅彌可愛玩今日未得端相一賞并
年貨舍能看幾回悵歎久之 昨夜夢放貴州知府邑之甚如常年

落第時醒而思之可發一笑額外皆即未知幾時得調望出守如登天
然則貪嗔之心寐甚於覺矣管叢山先生官行人時夢升衛經歷心甚
不樂遽然而覺自以老心未盡深自刻責若余若更何足以語此邪

夜初大風旋止 二更假寐三更後起四更偕效夫入眠

二十六日戊子晴暖甚下午有大風效露 味爽由北池子至景山百

官已集車馬塞涂下車入宮門松柏瑋深亭榭隱見疎星澹月皓
味同塵丹仗黃麾肅拱

靈辰時加服正

皇上御青帷輿自東南來是日換夏冠 上下皆戴藤冠去纓辰初

孝貞顯皇后初祭行禮諸王貝勒貝子公等及恭理喪儀大臣 御前大臣內大臣

軍機大臣內務府大臣 毓慶宮 南書房行走諸臣皆在 觀德殿門內其餘

自大學士以下俱在 殿門外 麾仗之後李合肥方入 觀后首列馬九畝

畢讀 祝文始起立焚紙由 殿中奉 楮幣等出禮部堂官三人前導後一

人在中奉祝版恭理 喪儀王大臣三人使之行侍衛內監從者數十人最後

為監貝勒之福晉司奠爵以青布帷障之而行焚紙於 宮門外又半時許

再奠三畝出當

上至時諸臣離立道左皆延頸注目或有嘻笑者及俟再 奠跛倚謔語合肥

與一人言至大笑失聲此崔祐甫之機常家所不及料若矣 工平偕致夫至

小甜水井鎮海館陸漁室處吃齋復偕至賢良祠板刺於孝合肥以近日窟

甚冀其隨例有酬應也平由地安門外繞十刹海過見楊柳成行湖波如鏡

曉顧久之出西直門是日有雲埃不得見西山新翠抵極樂寺霞芬偕其婦

已先至海棠正好梨花已落人影花光伴鮮妃豔編游寗宇涉歷山池亦

是入生極樂矣日景甫昧風涼作露小后華筵緩下精饌月珠繼至密坐爾

歡於積穽幽憂中營此一游無怪嬾姿不置也夕易漸西欲游五塔寺以風不

果各折花數枝而歸 是日寺中海棠開至七八分猩紅玉映輕妍穠麗竝絕一時

非可言說偷晚至家 趙桐孫來訪不值桐孫在合肥幕隨入京者適詣賢

良祠時不知其在彼也 付霞芬果有錢百千賞他人十千車僕半致夫亦如此數道室先付

付車銀十千平銀二千頓兒三千 車僕一千餘尚未付

師鈔

詔銘安泰伯都訥副都統雙福人為樸實惟地方公事未能認真講求難期

操作雙福著開缺另候簡用

以黑龍江協領博棟阿為伯都訥副都統

湖南巡撫李明燁奏請以候補道童大昕補授辰沅永清兵備道

本任道陸增祥於去年二月患病

增祥本倉人庚辰狀元大昕字硯芸少隸人至子進士由戶部陝西司郎中授湖南寶慶府知府丁憂再補沅州府知府調長沙復丁憂以功陞道員

山東巡撫周恒祺奏按察使靈杰病故臚陳歷官事迹請 旨賜卹

詔靈杰平日尚能循分供職並無異常勞績所請賜卹著毋庸議

二十七日己丑晴暖薄霽數風 紅碧桃盛開迎春落盡 昨日從陸

漁望借得南雷文約尚是舊版已多漫漶處余每勸鄉人有力者合文約

南雷齋

七集下

七

文定刻之而無聽者越俗不好古亦其一也此書自丙辰閱一過今二十六年矣

梨洲文鮮持擇才情爛漫時有近小說家若望谿謂吳越間遺吳尤放恣

蓋指是也此本原深厚隨在傾吐皆至情至理之言讀之糜心皆人所謂

杜詩韓集越來讀似倩麻姑痒處搔也 作書致桐孫約其明日出

城看慈仁寺丁香 夕陽中坐庭下看桃花丁香以佳茗左之 得桐

孫復以事辭 晚過毅夫約明日同赴 觀德殿大祭

二十日庚寅薄晴多露 海棠亂落霞片滿庭 讀南雷文約

作書致毅夫約游慈仁寺 爽殊來 毅夫來 是日小極游事後

阻下香方盤不得坐禪房一觀又以客來不得於排桃花下句留延照

延金夕陰佳賞多違清詠遊闌 同司李鍾陽為其尊人鐵梅侍郎

開第送奠分四千侍郎名嘉瑞大興人道光己丑翰林咸豐初由倉場侍郎出為安徽巡撫以事罷官李合肥相國其丁未朝殿閱卷所取士也故延至天津之問津書院去年十二月卒年七十五矣近日詞林共宿以上元溫侍郎在深東陽李閣學岳芳鹽山孫侍郎葆元及侍郎為靈光也

二十九日平昨小盡晨及上午霽午後激雨旋止晡後小雨 桐孫來

爽味來 得益香祭酒書即復 魏默深古微堂內集三卷外集七卷

前年戊寅始刻於揚州書局古微堂詩集十卷同治庚午刻於長沙今日從爽味借閱內集卷一為默齋上皆分條說理如子家語錄之類卷二為默齋中分學篇十三卷三為默齋下分治篇十六亦仍條繫說之外集皆其雜文也詩集分體編之前有羅汝懷郭嵩燾兩序後有鄒漢池跋漢勛之弟也 是

日。排。挑。下。香。花。欄。漫。將。落。錦。霞。照。晚。得。雨。益。鮮。瓊。雪。明。空。各。風。增。豔。間。庭。
客。散。坐。賞。怡。然。夜。密。雨。有。電。敷。雷。二。更。後。雨。聲。蕭。瑟。如。珠。時。五。更。簷。

潘益繁久不聞此聲倍難為懷 補作前日游極樂寺詩

暮春借鏡予至極樂寺看海棠是日霞芬攜其婦治具於此賦詩三首
知車相約鳳城西。千樹猩棠映玉溪。塔影遠從田水落。山光不礙寺牆低。似聞
曲徑通鶯語。早有游蜂趁馬蹄。花雨一鍾齋鉢動。午香吹到碧玻璃。
花外行廚花裏人。低枝時見罌紅中。落英豔點弓鞞窄。織朵嬌侵細額新。池
上水香經月醉。酒邊鬢影一家春。多情不索東風力。長為羅囊碾麝塵。

夏四月壬辰朔晨至午密雨下午少疏傍晚復雨 紫藤始花晚桃漸

謝鳩紅滿地時、拾之 閱古微堂外集默深為經世之學其文筆兀昇

在茲時包慎伯張石舟之上此集卷一皆論經學小學及諸序卷二為孔子

孟子年表孟子年表攷五音及諸儒贊卷三為子史諸書序卷四為碑志銘

傳書後卷五為壽河三篇卷六為各省河渠水利書議及史論卷七為論漕

鹽海運諸文其中如明代食兵二政錄敘海國圖志敘擬進呈元史新編序苗

疆救建傅巡撫祠碑銘最為佳作其餘議論多可取而於經學實無所解

乃大言自矜援西漢諸儒託於微言大義振擊鄭許於乾嘉諸儒痛詆不遺

餘力猖狂無忌開口便踏其史學亦甚疏駁之不勝駁也 夜雨

初二日癸巳終日寒雨晡時略止 前日印結局送來公費銀子兩今日以

六兩付賃屋之直

閱古微堂外集自道光以來經學之書元棟諸儒攷訂

之密無以復加於是二三心思才智之士若其錄富籍年莫殫又自知必不能過之乃物
為西漢之說謂敎言大義曰於東京以後張皇幽渺恣肌妄言攻擊康成之直冲遠
力詆乾隆諸大儒以為章句經笥名物錄碎敵精神於無用甚至謂海夷之禍粵
寇之亂釀成於漢學實則自便空疏景附一二在書癩語醉管歎詎惡俗其所
尊者遠周書竹書紀年春秋錄露而書大傳或斷爛叢殘或悠謬無徵以為
此七子之真傳三代光泰之古證復復求乾嘉諸儒所輯之古易注今又尚書說
三家詩攷懷而秘之以為此敎言大義所在也又本武進莊氏存與之說力尊以羊珠
翼解詁身穀梁為與卓比左氏於盜賊蓋幾於非聖無法病狂喪心而所看之
書不過千餘部所治之經不過三四種較之為宋學者尚須守丘子之語餘辨朱

陸之異同用力尤簡得者尤易此人心學術之大愛至今未已也歎深才粗而氣
浮心傲而神狠恥於學無所得乃遁而增於常州莊氏遂作書古微謂馬鄭之
古文與梅賾同作偽而伏生歐陽夏原之今文絕也又作詩古微謂毛公之詩傳與
鄭箋皆俗學而齊魯韓之古誼亡也於說文之轉注謂部首所隸之字是轉注
而痛詈戴說之說并謂說文亦有俗誤且集矢於詩君於論語謂十篇中不及子
思一字是記者之疏於孟子謂其門人自樂正子外皆不堪問而孟子不敢斥其七
篇中不免迂妄之言蓋此決竅談無待駁辨茲姑舉其攷據之謬者略系於左

治篇十五 先武之才豈勝伯升孫權之才豈勝伯符姚萇之才豈勝姚宏

案姚萇兄為姚襄非姚宏

又下 司馬氏既言天下若景王之天下吾身後大業宜歸齊王彼果能守此信

尚書

卷下

天

則平吳之後傳位于皇弟齊王攸而以長沙王乂為太子適為皇孫令其遞傳
至適可也不然即及身立適而輔以攸乂亦可也

案宜歸攸者昭秘其少子之言非武帝之言也昭本欲以攸為嗣何曾等固爭而止
及武帝立昭與其后臨歿時方深憂攸之不保遂無更傳于攸之言也平吳若武帝
也長沙王乂若武帝之少子也適若惠帝之子武帝之孫也既欲傳位于攸何得又立
乂為太子適為太孫天下有此兒戲事乎且適為惠帝子何能舍惠帝而立適古今
有此事乎此似全不讀晉書者

又高洋滅拓跋之族宇文周武帝滅高氏之族隋楊堅復滅宇文之族皆
不旋踵而天以逆子報之

案高洋無逆于此文之疏駁也洋之太子殷崇高氏為最賢而以與周天元隋廣同

被逆子之名不亡免乎

又 晉亡于莊共而漢以黃共得之秦亡于申韓而子產孔明以申韓治之

案漢之得天下者高帝其刑法峻急而慘刻非知黃共者也文景之治號為

休息文帝尤長者然亦間族人未嘗言用黃共也惟嘗參相商用蓋公治黃共

言景帝實太后好黃共史文兩見而已且莊共與黃共異漢之用黃共清靜無

為也晉之尚共莊元虛縱放也孔明之治蜀也以開誠布公為安道非用申韓也惟

為後主為太子時寫申韓管子不韜此與昭烈之教後主觀不韜而君借見先主

諸葛亮集皆以後主系的故令觀兵刑名法之書蓋其意智耳子產雖有水橋不如大

姓之言亦迥與申韓不同且在申韓前數百年而云用申韓亦有語病

說文轉注釋例

初哉首基可訓為始而始不可為初哉首基為在其為考矣

之互訓也惟之而弘廓宏博介純夏臨龐墳榘丕奕洪誕戎駿假京碩
冢筭將席可訓為大而大不可訓為夏臨等十餘字查直錫界于既可
訓為賜而賜不可訓為查直錫界衍豫妣殷可訓為樂而樂不可訓為衍
豫妣殷適遵率循由從可訓為自而自不可訓為適遵由從云云

案今雅一書所以通經訓博異名本不為六書而設而六書中之轉注一門因之以
傳戴氏段氏以轉注段借為六書之用以爾雅為轉注之法聖人不能易也且即以
始字言之始初也見於國策秦策今日韓魏孰與始強高誘注及呂覽有始覽天
地有始注始首也見於論語太伯師摯之始鄭君注及皇極義疏蓋初首者始之互訓
也哉基者始之異名也哉以才聲才者始也故假哉為才此即六書之段借也基从
土牆之始也故引申為凡始之侮此即六書之轉注也其餘可以類推至自之訓由訓從

乃經籍之推訓見於詩箋三禮注若不可枚舉何行忘之邪

又齊未夢吐德上平也部內只一囊字即等齊之齊當以齊入月部

而以囊為齊之古文則齒部可廢東未芒也部內只囊棘二字東本

从木當入木部而東部可廢亨即克字肩也古文作亨並無相隸之字

應入合部不當別立部亦部只一象字麻部有篠愈廢二字林部有

隸字當以木部麻部併入林部不必別立部在土高兒克字从之當併

入上部

許書有此部

案幽上象形下从二即土也口是何字齋即啗也囊誼自別何得為齊之古文

合是何字許書並無合部東入木部則囊棘二字將即附東下乎亦是象形單

體字不得反隸重木之林部且象字將即附木下乎麻入林部則篠等三字以

尚學齋

集下

麻若亦將即附麻下乎茲入土部則竟將附茲下乎許書皆絕無此例也

又

庚部壬部均無一字然廣字从庚妊望聖任衽妊經等字从壬何

以不為收入此部中字之應收不收者也

案廣乃續之古文安得入庚部 妊任衽經皆以壬為聲 默深方持饑氏塘之說

以許書鉤箇入冂部糾糾入冂部為非何以妊等可以聲為部乎望聖下皆

从壬音疑不从此則符未識字矣

說文段借釋例 舊本黃離而段為新舊之舊

案舊為雌舊即鴝鷓非黃離

又

說文中亦有俗體濫收者如粟旁加口為噪尊旁加木為樽然字加口

此與白頭人為長人特十為斗何異

案許書註無噪字樽字不知默深所見何本然為大然與然否義絕不相通
必加口方別然之加口為然猶不之加口為否也然字經典仍段默為之猶否字
亦多段不為之也

孟子小記

信陵君將五國之兵大破秦師使不聽魏王之召咸陽必破

秦滅而各國必皆戴為盟主不數年趙武靈王少長軍國李牧以說死矣

案趙武靈王少長軍國在信陵將五國信陵攻秦之前四十餘年李牧死而趙亡何以

屬之武靈之世此必誤記幽繆王遷與其兄代王嘉軍國而以為武靈也

書卡微序

後漢杜林傳言林得秦書古文一卷秦書竹簡每簡一行

若四十五篇之書竹簡必且盈車乃謂僅止一卷不足欺三尺孺子

案簡可編為冊不能合為卷卷者縑帛之類也漢世簡縑並用

見後漢書宦若蔡倫傳此

云一卷蓋本泰書竹簡而以縑素寫之可知矣默深未識卷策之別耳

又東漢諸儒亦謂佚十六篇絕無師說夫東漢既自有泰書之本力

排今文之說而自有其師說則此佚十六篇何以今文無之若古文亦無師

說乎十六篇既無師說則其二十九篇之師說既不出於今文又出自何人

案後漢書杜林傳云林得漆書古文尚書於西州以授東海衛宏濟南徐巡儒

林傳云杜林傳古文尚書同郡賈逵為之作訓馬融作傳不言林所受之人故前

書儒林傳云孔安國以古文尚書授新尉朝朝授膠東庸生庸生名譚見後漢書庸生授清

河胡常常授魏徐敖教授平陵塗暉而後者賈逵傳云逵父徽受古文尚書

於塗暉今本范書誤作暉逵傳父業是東西京古文相傳之正脈也又後書儒林孔僖傳

言自安國以下世傳古文尚書以至於僖僖又傳其子季彥季彥於安帝世舉

孝廉此尤古文之通嗣也又尹敏傳言初習歐陽尚書後受古文周防傳言師
事徐州刺史蓋祿受古文尚書皆在光武之世又丁鴻本從桓榮受歐陽尚書
而楊倫傳云師事司徒丁鴻習古文尚書是東漢之初古文師傳甚廣皆出於
安國安國於子不備無師說諸儒慎守不敢出入無有如後世以意說者也林所得本以泰
書之故文字更真諸儒寶愛而傳之要惟攷其經文未嘗易其師說也且東
京諸儒何嘗力排今文鄭君嘗為伏生大傳作注其三禮注中多用今文說默
深何足以語此乎

必列為古文
若說亦未端

經中釋文叔餘云今馬鄭所注強伏生所讀非古文也按陸氏時馬鄭兩家注見存
言必無誤是馬鄭雖兼傳古文而所注仍用今文之本然則近儒之徒鄭注尚昔

書宋名臣言行錄後 紀文達不喜宋儒其撰 四庫總目云茲錄於安

石惠卿皆節取而劉安世氣節凜然徒以嘗勸程子遂不登一字以私滅

公是用深慙是說也於蘇轍發之于元城語錄發之于盡言集發之
又于宋如珪名臣琬矣蘇轍發之于清江三孔集發之于康仲友經世圖
譜發之昌言梓闈汜再汜四昭三國門可懸南山不易矣然未知文達所
見何本也茲錄前集起宋初後集起元祐而劉公二十餘事在焉文達殆
徒睹董復亨繁露園集之贅說適懼其隱衷而不暇檢原書遂居
為奇貨至書目于慶元黨禁謂南宋亡于諸儒不得委之仇曹于楊
龜山集謂東林起于楊時遂至再虛明社則固無識焉

案文達誠不喜宋儒書目中於通鑑綱目伊雜淵源錄小學集註等書亦或有
言之小過者然皆循其終始反覆折衷雖至語錄諸編最為甚雜亦深求其
編輯之先後去取之是非未有不檢其書輕肆詆詰者蓋名臣言行錄傳刻者

多眾本雜出四庫所收或非足本今攷提要於史研傳記類載宋名臣言行錄但云於安世不登一字而載趙普王安石呂惠卿等終所未喻或無以私藏公是困深德之言史部奏議類載盡言集子部雜家類載元成語錄皆無是語宋如珪名臣琬矣錄或無其書蓋是杜大珪名臣研傳琬矣集之誤出提要惟以朱子之取安石惠卿例大珪之載及丁謂諸人未嘗言安世也亦見史部傳記類清江三孔集提要無一語及之惟於孔平仲珩璜新論略言平仲與安世蘇軾皆不協於程子未嘗及朱子之言行錄也亦見子部雜家類至慶元黨禁亦在傳記類提要本

高宗御題詩章以趙汝愚為開門揖盜因謂堂禁諸人聲氣交通賈奸雜糶釀成門戶

遂使小人乘其瑕隙蘭艾同焚國勢馴至於不振春珠責備賢者不能以敗止之

罪獨謏諸韓侂胄其言最為平允龜山集在集部別集類提要謂時受學於程子三傳

而及朱子開闢中道學之派其東林書院存於無錫又為明季講學之宗乃盛
推其淵源廣遠身繫學統無再度明社之言要之官書自有體裁況四
庫總目彙承

高廟睿鑒朱子之學 國朝所尊豈有任凡放言攻擊先哲如文士私家著書之比
默深亦未嘗嘉宋學集中偶有一二推闡理學之言皆綴於皮毛裝點門面
以自附於真儒而其識彈朱子若不可救舉此不過自知若據非其所能嫉忌
近世漢學諸家乘間肆言學問自有不言無取多詆也

趙汝愚雖立甯宗論 錢詹事大所謂汝愚此舉冒險徼幸萬一宮中
有奉帝出門若何以禦幸而不勝為秦王從榮猶可言也不幸而克勝為
公子商臣不可言也夫秦王從榮之起兵討武三思也兵從外入其敗固宜

彼豈有中宗念欲退閒之旨豈有皇太后之命乎情事懸絕比擬不倫
案秦王從榮若後唐明宗子也事見五代史討武三思若唐中宗子節愍太子
重俊也節愍非祿代中宗若校氏自用五代史事

以上皆其誤謬之顯然而關係鉅者略條辨之其餘文字之疏引據之失不及
俚指又詆謀先儒指序近獻尤多違戾恨復之言亦不足與辨即此十四條
於經史之學亦甚淺所以斷之及之者以近日之一二自謂名士者頗深喜其說而
尊行之以其易於欺人也而此一二名士者已為世之所難得故冀以祛其惑且默深
之文亦實有不可磨滅者其經世之學議論多名通其說理亦有精語是集必
傳於後故錄其瑕以全其美亦愛護古人之意也 是日俸米倉盡始復買米
會之

初三日甲午雨至晡後稍止晚姓有霞倚晚看桃花甚麗

初四日乙未晴

梳頭

教夫來

初五日丙申晴

紫藤花盛開

夕陽中看桃花半落兩日皆有詩紀

之

初六日丁酉晨密雨至上午稍止午晴教舍相問下午晴

得跋文書饋

蜜乳山茶糕一合蒙古語曰水鳥他也圓如象棋子紅碧相間鑲花刻字製作

甚精以性不近酪作書復謝附使還之

晡後詣教夫館中小坐

閱魏

默深古微堂詩集

什旌人三節婦戲九千

補錄前兩日詩

兩後晚霞看桃花

積旱望雨既花時憂雨至三日雨得晴未損晚桃麗西見紅霞明遠落
小窗外窗外一樹桃恰接晚天綺隔以垂柳陰新綠出紅際甘雨雖滿岳瓶
棠不我繼係此晚晴花欣照自天地

後二日夕陽中看桃花半落

時雨既得晴裴回數花樹晚桃開亦久紅芳夏猶駐漸見落英飛時與游
蜂過緩步惜蒼苔及杖延日暮夕陽在花半一角屋山露淡茶烟紫微
微柳風度曉此傾城殊無言墜輕素豔絕不可畱長記經行處

師鈔

光祿寺少卿馮爾昌為通政司參議

順天府府尹李朝儀卒

初七日戊戌終日輕露下午散有雨

竟日坐紫藤花下閱古微堂詩集卷

一至卷三皆五古而冠以四言二首卷四 皇朝樂府十八首古樂府二十首新樂府十
三首卷五至卷七皆七古卷八五律卷九七律而附以六言絕五首卷十至七言絕
深詩非當行而才力有餘多起蘊譬阜之語平生輒述半天下著奇好游故述
山水者多可當游記近體亦時有性情風致之作惟粗曠太甚竟有不成詩者
七古尤無一合作七律亦少可取 作書致官夫得復 是日百官藤冠皆綴
羽纓換青袖袍褂

初八日己亥酉初三刻二分立夏四月節晨至午晴間散霧下午露 竟
日坐藤花下閱書兩日皆有詩紀之 得羊敦叔上巳後一日吳門書 同司
郎字馨為其尊人蔚生塚祭 靈志 關帛宗室鄉生協祭之凡也遂奠分四千
其喪在朝陽門外遣僕往不得其處而歸 夜有小雨

部鈔

以貴州巡撫岑毓英調補福建巡撫即赴新任以福建巡撫勒方琦調貴州
巡撫侯峋峩到後再行赴任均毋庸來京請訓

詔庫倫辦事大臣奕榕來京當差以烏里雅蘇臺參贊大臣喜昌調補庫

倫掌印辦事大臣以科布多幫辦大臣桂祥為烏里雅蘇臺參贊大臣以古

城領隊大臣額爾慶額為科布多幫辦大臣

以四川按察使游百川為順天府府尹未到任時以內閣侍讀學士張凱嵩署理

以福建按察使鹿傳霖調補四川按察使以臺灣兵備道張蔭元天津舉人為福建按

察使以甘肅補用道前浙江台州府知府劉璣為福建臺灣道兼按察使銜

命翰林院侍讀學士朱迪然為四川學政陳懋康丁憂

詔浙江海門鎮總兵李新燕廣東陽江鎮總兵宋聲平均開缺送部引見
詔福建汀漳龍道陳鴻翔直隸河間府知府克什布湖南岳州府知府張德容
均開缺送部引見

以前福建海壇鎮總兵浙江鎮海人錦泉為浙江海門鎮總兵前廣東雷瓊鎮總兵廣東鎮江人廷龍為廣東陽江鎮總兵

吏部郎中聯興授分巡福建汀漳龍道編修韋業祥授直隸河間府知府御史

文鏞授湖南岳州府知府

初九日庚子晨密雨上午漸霽下午晴 官夫來以昨得四川學政嚴其疏

辭屬為擬稿蓋以甫自湖南滿任歸未與考差忽有此授故自陳讓也余謂

此雖故事所無可以自行其意成人之美朋友宜先即為舛卷一通致之

孺石來借坐藤花下久談今日雨後花尤盛盛歎詠至晚

初十日辛丑晨數晴上午露倚午密雨至晡復晴晡後驟雨如注有迅雷
倚晚漸霽晚大風甚寒 趙桐孫來 官夫來言昨有鄉人在內廷

若數輩來力阻辭疏謂不可上今早已入內謝恩 得故文書即復

翁知府曾桂妻喪來赴送奠分四千 夜性有風

邸鈔

詔都統額勒和布為朝鮮頒發

大行慈安皇太后遺誥正使戶部右侍郎錫珍為副使

十一日壬寅晴風 敦夫來 乘冰來 伯晚偕兩君坐藤花下

吃藤花糕及滷麵 得陳畫卿山左書言額珠後林輟歸里 閱道

古堂集比日頗寒 補錄前日坐藤花下兩詩

五夏前一日紫藤花盛開輕陰微雨坐花下作

子年質此舍隙地皆種花辛勤幾心力償以三春華花樹幸長成白髮彌
自嗟西軒一朱藤拂拭尤信如垂蔭幾盡飲天橋爭龍蛇縛架出檐外歲
疑天半霞累萬紫瓊因風被響如吹香及初夏懼鮮殿春葩輕陰照
橫几碎葉點烹茶扶持紫雲立不隨柳枝斜清絕日宴坐林幄如山家何當
圓朱闌映以碧窗紗

花側一不食久廢不辰今夏擬稍修
葺之設接閣小窗几榻為結夏之地

五夏日澹晴間陰竟晝坐藤花下

蕊。辰。入。晴。夏。清。和。不。改。管。籥。花。幕。曦。景。細。葉。鏤。烟。隙。及。此。盛。時。花。安。成。暇
時。席。粉。沾。衣。袂。香。綠。映。壺。皴。碧。曉。彼。清。風。來。微。覺。晴。暉。隔。梅。街。相。公。家

梁文莊公第在楊梅山街清動堂前
有藤花甚盛乾隆後為祿后苑今尚在

波寺詩先宅

朱竹垞寓波寺街看老藤一時題詠
甚多二事皆吾浙天獻至天興戲龍塘水

常藤陰雜記言宣武明榭在金山會館
本海富陳宗伯軒秀第有藤花今已無可致
或以斯花名鵬詠萃屐屐勝事豈有常

傳舍屢遷易此坊盛文獻王翁最著碩
王漁洋即青門施愚山陸水修梁仲泉
翁率諸皆嘗寓保安寺街王翁有共格

梁寓有奇石百寓有
詩境軒今皆不知其處
佳植偶見遺風流遂漸斁我今此宴饗聊寄一朝適

無石堪橫琴無僮可共弄
擁書獨危坐時聞英墜噴猶恐風雨至
猶

覺芳陰惜晚宴斜陽明
嬾姿碧雲夕不聞鳥雀喧
那有客行迹

十二日癸卯晴午後大風晡後稍止
閱道古堂集董浦詩亦秀爽而

風格太卑無一真際語
得跋文書即復
斜日時風小止復護几

藤花下
毅夫來
官夫來
備晚借毅夫語
官夫適又它出借語爽

殊談官夫走使來邀晚復往
難燭清言嚴不語亦未夜二更歸

十三日甲辰晴風
作書致雲門為官夫邀之入蜀也
坐藤花下閣水經

...

注 伯晚詣教夫齋頭小坐 夜作書致有夫 月甚佳

師鈔 戶部右侍郎宜旅以病奏請開缺

評之

宜旅漢軍楊氏改總管鍾祥之子也己歸林廣積無清在

十四日己晴暖

得官夫書

閱水經江水篇注

梳頭

教夫來

伯晚教夫邀飲聚寶堂聯步而往招霞芬玉僊不至夜二更歸月色

如畫復坐藤花下歎詠久之

得奕球書

稿初來

師鈔

以刑部左侍郎孫詒經調補戶部右侍郎兼錢法堂事務以刑部右侍郎薛允

非轉補刑部左侍郎以宗人府府丞夏家福為刑部右侍郎

十五日丙午晨晴日出旋霽上午薄晴午有雨數點下午放晴多霽伯晚

有夕照

兩日見楊花滿院因風舞雪今日已減尚時有飛葉

李念肥

相國饋別敬子三金橋使三千

今日藤花極盛看滿庭中生其下

讀書夾珠來瑞初來同坐花下久談

備晚夾珠邀同瑞初致失鐵香飲

便宜坊吃燒鳧夜一更後歸

益茗茶酒來不值

夜露無月藤花得露

香甚案坐暝聽三更始寢

即鈔兵部右侍郎朱智以病奏請開缺

許之

智字敏生仁和人咸豐年入學為戶部主事直軍機至今官年五十五歸

十六日丁未晴晡後放霽晚霞甚麗

益茗茶酒來

署中送來春

俸米崇七石八斗米找銀二兩賞後錢四千

夜月初露旋復皎

即鈔

以內閣學士梅啟照為兵部右侍郎

十七日戊申晴熱

兩日倦甚閱書不多

晡後坐藤花下讀水經澆水

至浪水諸篇注 晚洗足 夜月皎於晝是夕望獨坐藤花下清幽入

綺暝香靜聞有小詞紀之

十八日己酉晨至午蚊晴多露間有小雨下午晴露相間有風 得緩丈

書 陸漁莖來致夫來 新授湖南衡州太守翁曾桂來新授福建福州

太守廷楷來 夜三更有驟雨旋止月出如晝有風洒然微香來談至三

更後去 是日始聞街頭賣芍藥花亦以詞紀之

郎鈔頓承郡王慶恩卒

詔派貝子毓楨帶領侍衛十員即日往奠照例賜卹

詔四品頂帶署四川總督丁寶楨補授四川總督

內閣學士頓大學政徐致祥丁憂

命戶部右侍郎孫詒經為順天學政以吏部左侍郎郎亨豫兼署戶部右侍郎

命大理寺卿許庚身署理都察院左都御史 本夏家編者

以降調阿勒楚喀副都統宗歡賞副都統銜為屯城領隊大臣

以翰林院編修李用清為廣東惠州府知府

十九日庚戌晴熱下午散霽

二十日辛亥晴熱甚晡後散霽熾熱尤不可堪 兩日閱續東華錄

得陳玉泉三月十九日吳門書 晚霽欲霽熱甚早睡二更時似有雨

師鈔翰林院侍講學士永慎轉侍讀學士右庶子祥麟升侍講學士

二十一日壬子晨及上午晴熱如昨下午風霽時有小雨 作書致張叔

平託代頌春夏俸米 得官夫書約夜飲 閱續東華錄 敦夫

來 倫晚偕敦夫詣官夫飲生有機筵仙陳書玉吳介唐及沈同知守謙

夜二更歸時有小雨二更後有密雨涼可衣綿

郎鈔翰林院侍講劉廷枚轉侍讀司經局洗馬溫紹棠升侍講

二十日癸丑晴晡後露 得子填三月二十日常德試院書 閱續東

華錄 倫晚過敦夫齋中小坐歸 村李升五月二夜臘十午

二十三日甲寅晴晡時散露兩日頗寒蓋遠郊有雨 閱續東華錄

得成丈書即復 夜露

二十四日乙卯晨初刻上之分小滿四月中晨密雨至加巳稍止終日全晴不

定時有小雨 得成丈書即復 補錄近作三詞

賣花降 詠楊花

睡。起。靜。帝。鴉。新。綠。窗。紗。牙。風。剛。起。樹。陰。斜。瞥。見。卷。簾。晴。日。影。滿。院。
楊。花。首。席。任。交。加。莫。更。閑。遮。東。風。此。去。又。天。涯。瞥。見。記。取。今。年。深。樹。
底。今。日。各。家。

臨江仙 四月望夜坐月藤花下

大。是。夏。初。今。夕。望。月。華。剛。上。羅。襟。夜。涼。誰。與。伴。眠。琴。簾。前。香。澹。風。外。
漏。沈。手。種。米。藤。新。滿。架。綠。扶。花。影。深。深。幾。年。鄉。夢。在。山。陰。誰。知。今。
夜。月。別。自。有。山。林。

朝中措

一。年。無。事。為。花。忙。贏得。幾。春。光。賣。到。街。頭。紅。藥。鎮。看。綠。樹。陰。長。

桃光桃後二月光閉着山桃夏小正月地桃則華傳口地桃也都人為詩之向中罕見本雅謂之桃桃

是也唐茶間亦賦云三桃春櫻烟之別梅崇香李次第丁香為問先生曰秣只餘花事

平章

作書致伯寅尚書得復 寫三詞致跋丈 吳介唐來 得跋丈書

并味楊花詞一闕即復 晚見夕曷 黃昏詣教夫小談歸

二十五日丙辰晴上午散會多風下午風益橫 得跋丈書并味詞兩

闕再賦一詞報之 梳頭 再得跋丈書并味今日一詞 教夫來 吳

介唐來 再賦一詞寫致跋丈 夜風狂甚

清平樂

雨餘天氣槐影垂。簾地楊柳深。龍翠几紅藥一枝。簷。茶烟細。

裏游絲鳥啼日上階時花下蔚基纔了注香又和新詞

錦堂春

庭院雀行悄。闌干樹影重。一
裡奴睡足花艸午。開撲柳絲風。
數枝頭青子趁人扇底飛。蟲
嫩羅新試輕衫。暑傍著小榴紅。

二十六日丁巳晨晴上午露晴較
難復風下午晴風益甚傍晚止

得絃文書又味昨錦堂春詞 閱
經義述聞 為人題江南初夏仕

女圖詞一闌 作書致絃文 下午
詣敦夫小坐即偕詣乘休介唐俱

不值詣鐵香亦不值詣汝翼談鐵
香亦來賜語至晚歸 夜露

清平樂 題江南初夏仕女圖

玉是煙。煙已到花陰。午
嬾向鴛鴦尋繡譜。且教金籠
鸚鵡。薰衣。

雙畫鄰墻。恭殘還理。絲桐多少。迎梅幽事。明窗一桁。紗中。

二十七日戊午晴

得跋丈書復和昨清平樂詞即復

為冒夫書

宋人詞三闋及近詞兩闋即作書致之得復

作信以質丁外報書行

誤其尊人省谷封翁輓聯云鄉里傳善人早謝科名付兒輩神仙止中壽

先持幢節返真曹以白綾一丈書之

夾林來

以舊唐書校勘記及

逸文還冒夫

為子縝書近詩詞各兩首

作致嚴菊泉師嘉興書行

附入以質函中寄去

作復子縝書

二十日己未澹晴夜露

作片致毅夫寄子縝書去

閱經義述聞

下午卷諸益春祭酒不值詣傳子尊知其長即前月病殆平山縣署中年

三十三矣懸之而出詣吳松堂質其新逆而淮鹽經歷詣德初久談知其夫人

物於文島里后自誦輓聯云憐我憐卿四十六年婚二何緣何果百千萬
劫休二蓋鴛鴦儂德不純頗無琴好角張離別久滯星霜矣嗟其今日之
言曰彼以不善事姑故予深恨久不念之今聞其死不覺悽愴者以彼固嘗
見吾父母者也彼死則知吾父母之聲音笑貌者惟我而已不能喻之我之子女
也悲哉其言可謂絕痛矣詣陳雲舫小生詣蔡備臣及方勉夫以察新喪
偶余欲託勉夫為收莊第二女作冰人也俱不值又各拜一二客而歸 晚
詣敦夫館中小坐 是日金銀藤花開印款冬也夜靜聞幽香清發

付車微五千六百

郎鈔

慈禧皇太后懿旨前據左宗棠奏擬調各營先修水利當諭醇親王奕訢酌核具奏

茲據奏備興修水利一事機不可失事同創舉請飭恭親王奕訢總司其事等語
畿輔水利自雍正乾隆年間興修後歷年既久地勢河道今皆異形早潦無從蓄洩
關係民生甚為重大自應即時籌辦著派恭親王奕訢醇親王奕譞會同左宗棠
及直隸總督李鴻章兼管順天府府尹董華等妥議章程奏明辦理

上諭銘安等奏請添設副都統及建造衙署各摺片吉林輝春地方遼闊向歸
甯古塔副都統管轄相距遙遠該將軍等請添設大員以資統率係為因地制宜

宜著照所請添設彈春副都統一員其應鑄關防並支給俸廉等項改設官
肆建遠衛署各節均照所議辦理

以呼蘭副都統依克唐阿調補新設彈春副都統以伯都訥副都統博棟阿調補呼
蘭副都統以前任西安副都統明春為伯都訥副都統

二十九日庚申晴傍晚有風 方勉夫來 閱丁儉卿毛鄭詩釋及陸

疏校正 夜露

三十日辛酉晴晡後露 本生祖考忌日供饋田肴六豆菜肴四豆冰雪

梅糕一盤脂桃饅頭一盤時果四盤蓮子湯一巡酒四巡飯再巡茗飲再巡

晡後畢事焚楮泉 印結局逆來是日公費銀十五兩 得緞丈書

借日記 作者致款夫饋四脊三豆及酒摘 以梅糕饅頭饋仙洲

夫人 是日午後思身熱咽痛

[Faint bleed-through text from the reverse side of the page, including characters like '夫人', '思身熱', '咽痛', '仙洲', '梅糕', '饅頭', '饋', '酒', '摘', '豆', '脊', '四', '款', '致', '者', '作', '借', '日', '記', '書', '丈', '緞', '得', '是', '日', '來', '逆', '局', '印', '事', '畢', '後', '晡', '泉', '焚', '楮', '費', '公', '銀', '兩', '十', '五', '是', '日', '來', '逆', '局', '印', '事', '畢', '後', '晡', '泉', '焚', '楮', '費', '公', '銀', '兩', '十', '五', '是', '日', '來', '逆', '局', '印', '事', '畢', '後', '晡', '泉', '焚', '楮', '費', '公', '銀', '兩', '十', '五', 等]

五月壬戌朔上午多雲午後雨有風旋止晴後時有小雨 得跋

又書還日記 作書問官夫疾 蔡備臣來不晤 得官夫書

是日身熱不快少食終日閱讀東華錄 黃昏激雨夜睡

師鈔翰林院侍讀學士英煦升詹事府少詹事

初二日癸亥晴甚熱 身熱不止 作書致跋夫得復 上午詣教

夫談一時許歸 相光甫來不值 伯寅尚書饋節物復書謝

作書饋官夫節物 終日閱毛詩稽古編 夜作書致教夫說轉借

銀二十四兩為過節之需得復

初三日甲子晴 教夫來 作書致伯寅尚書饋節物又致跋夫饋

節物得尚書復 作書致爽煉饋其第三郎彌月酒麪筆授得復

再作書致爽味得復 得跋文書報隨節物即復 得伯寅尚書書

惠銀二十兩即復謝 萼庭饋節物四種受自泰報以黃柑 萼庭姬

人饋張姬桃麪 饋劉仙洲夫人節物 族人王節婦送紙摺自符數枚

報以京錢十五千及角黍

郎鈔前任戶部右侍郎宜振卒

詔 襄其辦事愷勤克稱厥職照侍郎例賜卹

初四日己丑晴 張姬生日吃麪 得甯夫書惠銀五十兩即復謝稿使十

二千 作書致款大約明日午飲得復 梳頭 陳雲舫來 汝翼饋

節物 哺後詣甯夫談晚歸 饋汝翼節物 得樓廣庚給事書言

王莽子繼殺事已彙案入 奏四月二十九日已得 旨旌表即復書謝 是日

還各鋪賁賒同茂米錢九十八千同興公石炭錢一百三十四千賣花燭衣
飾等銀九兩二錢 布錢六十九千吉慶廣厚乾果錢七十五千燈油錢

六十二千豐樓酒食錢三十七千八百聚寶酒食錢二十九千七百寶森書坊銀

二兩松竹紙錢二千千賃屋銀六兩 賦諸僕媪過節錢孝升千千又生日

錢三千順兒王媪場媪各六千更夫四千生日各二千 署夫送養廉銀九兩

三錢來此季祇六折也賞以錢三千

郎鈔翰林院侍讀尚賢升詹事府左庶子左春坊左中允承翰升右庶子掌山

西道御史孔憲毅升禮科給事中 熱河正總管巴克坦布升奉宸苑卿

初五日丙寅晨雨上午霽午晴 縣蒲艾於門重莖木於室 采金

銀藤花陰乾之 平飲微醉 霞芬來予以銀二兩賞其僕十千

敦夫未留晚飯小飲

初六日丁卯晴頗涼

終日小極

爽味來

郎鈔

詔新設呼倫貝爾副都統以

薩克慎補授

初七日戊辰晨至下午晴熱鬱悶晡後霽旋雲合有震雷密雨晚

霽夜姓

作書致官夫

作書致張叔平得復

得益吾祭酒

書 晡後詣敦夫小坐歸

初八日己巳晴晡後復霽傍晚晴

有陳慶桂者來拜不知何人也

不見 鐵香來

作書致敦夫以期於後明日崇效寺念饒官夫也 作

書約官夫得復

初九日庚午晴 近日疲勞甚不能讀書以夏令入梅溼疾復發今

日少覺清爽偶取架上宋臨海林表氏達吉所編赤城集閱之凡十八卷皆輯

台州掌故文字大半冗漫罕可讀者文至南宋茲雜已甚平生不喜鄙

薄古人要亦不能為違心之言也 長氏嘗讀其父評述所編天台諸集及陳壽老著所赤城志此編所載以宋遠分續閣記尤表至曾身註記需愛世託唐伊及中津橋研為最佳

亥正二刻十四分芒種五月節

所鈔馮譽驥秦陝西漢中府知府薛椿和才識辦公獨廢請開缺送部

引兄雷壩廳同知宋統長洲監生候補同知方清太平利縣知縣馮學成仁和監生商南縣知縣

王有容米脂縣知縣謝定成山西廣有候補知縣朱運山東進士楊達震等八人庸劣不職

均請即行革職除城縣知縣陳駟門湖北進士雜南縣知縣伊允楨山東進士文理尚優均請以

教職選用 從之

初十日辛未晨露上午嫩晴間露午晴下午露悶熱甚 作書致

眉夫 作書致教夫 傍午坐車詣白紙坊崇教寺以今日借教夫及

吳介唐陸漁筮戲眉夫也諸君相系至坐青豆禪房觀拙菴和尚啓

朴青松紅杏圖卷此卷以漁洋竹垞初白諸公題詩之故後來觀者無

不留名疥爛續貂以希附驥余觀之三度矣竟未留一字也詣西來閣

下房舍小憩讀壁間所嵌唐王仲堪墓志不飲於靜觀堂順治丁亥

壬孟津所題也晴後散歸傍晚漁筮邀同教夫飲聚寶堂招霞芬月

林夜一更後余邀兩君飲霞芬家四更歸 得霞芬酒果錢四十千當共保十千
崇教寺坐樓十千飽食十千車七千

十一日壬申晴致露熱甚晚涼 陳書王編修為余評星命二紙其

言甚有理然謂余自去年二月交申運以後辛未庚共二十年為一生大運

晚景踰佳則不敢知也作書後謝
作書致百夫
周介甫來

王益吾來
晚月上詣款夫齋中小坐歸
夜四更時小有雷

十二日終酉晨晴上午多露下午露晦有雷小雨數作傍晚晴是日

甚涼夜復小雨四更時有密雨旋止
付史夫五并十月漏錢七十

師鈔前東州鎮總兵楊明海補江南狼山鎮總兵
本在總兵王若病故總兵管勇後病故例優卹
前紹興府知府奇臣補陝

西漢中府知府
大學士左宗棠往涿州視河

十三日甲戌終日晴露相間甚涼
劉仙洲夫人饋雙鳧雙炙雜及筍

尖受雙雞雙鳧
以雙鷄及杏饋殷夢庭
款夫來借詣百夫及

胡光甫晤光甫久談至晚歸
赤城集載元祐中更台令鄭至道所

作劉阮洞記言洞在護國寺東北二里斜行山谷隱於榛莽景祐中寺僧明

照采藥還見金橋跨水光采眩目二女采符戲於水上至道因植桃數百本以
追遺迹由寺沿澗而上名其澗曰鳴玉澗澗東之陽曰桃花塢塢北攢峯疊翠
左右迴擁中有流水隨山曲折水盡有潭清極毛髮岸山倒影浮碧搖蕩中
有洞門潛通山底其深不測即寺僧見金橋之地也名其潭曰金潭潭之南澗
水淺見沙中有磐石三不沒者數寸可坐以飲自上流浮杯盤必經三石之間俯
而視之如在几案名曰會仙石其上三峯鼎峙峻極雲漢東曰雙女峯西曰
迎陽峯中曰合翠峯三峯之間林麓疏曠草木瑰異左連瓊臺雙闕
之山右接石橋合澗之水曰迷仙陽自陽以出至於迎陽峯之下有巨石偃於
山腹廣袤數丈寺僧因石為趾構亭其上前臨清泚瓦影浮動魚跳圓
波浮杯在目名曰浮波亭其文頗能狀泉石之勝是集所載涉台嶽者甚

少惟此約畧之靈山麗景勞勩在目足令羈客悅魄逸侶企踵

十四日亥終日密雨入夜不絕比苦燥乾得此甚喜

十五日丙子晨雨上午晴

庚辰同年知會探花譚鑫振庶吉士楊澍先俱

病殉兩君皆湖南譚年已四十餘聞物於杭州旅舍其月日即去年小傳臆

之日也近科探花皆不利己丑楊霽出為知府兩次皆甫得而丁憂辛未蕭山郝

崑前物甲戌黃昭輝改主事丁丑朱廣颺亦未散館而歿

作書致絳丈得復

乘舟來借過敷夫談

官夫來辭行

張叔平來

即鈔江蘇巡撫吳元柄丁憂母張氏憂

以漕運總督黎培敬為江蘇巡撫以山東巡撫周恒祺為漕運總督以直隸布政使任道鏞為山東巡撫以廣西按察使崧駿為直隸布政使以前江西按察使

國英為廣西按察使

以前雲南布政使升大賞給副都統銜為伊犁參贊大臣